



雙泉徐公孝行傳

御史四派

初泰岳六世祖諱儂字孟智以弱冠之年代父從戎於遼海
曾據前賢傳傳之矣庚申春徐族重修譜牒內兄弟以被累
故未詳也囑傑傳之初媿不文以辭既而感司馬子長之言
曰匹夫慕義何處不勉焉因記其詳按公孝自天成皎如秋
月反哺烏跪乳羊平素事也景泰甲戌間公考從姑蘓南旋
誤以游俠事波及坐法謫戍遼海獄成後公聞於家五內俱
裂七魄紛飛委身請代五六月在遼危撓鋒鏑膏身不毛移
孝作忠卽馬革裹口在所願也當時聞者淚淋見者烏咽奈
天道無憑時逢其否越明年六月而卒嗚呼痛哉胡不祐公
食報於其身而必於其子也

既爲公悲旋爲公壯公展

孝思於旦夕蹈白刃於疆埸

高堂垂白雙壽齊眉戲彩

弄孫歌斯哭斯何莫非公之力與夫人鄭氏於訃聞之日截

髮投環淚枯碧海幸而掌珠已探承祧有藉宜乎桂蘭馥郁

冥報無涯所以公在天之靈于今猶烈傑不揣固陋聊綴片

言于章末以俟名公鉅儒鴻才碩學假中郎之墨涕灑曹娥

徵斯許之孝烝嘗畫水庶几闡發幽光播揚茂烈有日矣敬

為傳

昔

乾隆六年歲次辛酉春王三月之吉

孫婿杜之傑薰沐頓首百拜

信五十四善庵公行傳

御史三派

隱君諱禰字世積號善庵係先大夫觀察嫡曾以予次則從
叔也好隱逸不喜仕進構屋數椽居僻地每與二三昆季談
論家人事其言曰生平無所樂惟是父慈子孝兄寬弟忍妻
賢夫惠妯媵和此外更無他求矣由是事二親以孝待昆
季以友處琴瑟以調誡姑姊以順及遇子姪有佻達則勉之
曰爾祖何人獨不念家風貽玷乎里中聞其言咸敬服時忠
六三其季叔也家頗殷實叔每勸以舉義其叔曰當何先乃
答曰宦祖門坊尚有關盍建之叔曰諾既而嬪氏張安人亦
效其義因詢之謂族中所遺更有何勝叔曰家廟制狹可廣
也嬪欣然遂出所貯酌付之凡經營籌畫悉皆委任故至今

六三公及安人各以班附春秋二享其席一如始祖祭畢乃以席給其裔告餼凡叔姪與分其澤以爲當年贊勸之報云至其家雖不富然性每好施偶遇顛連必量其願力以濟與所命字取善菴之義尤相符合嬸姆曹安人青年失倚遺二子復天叔事之敬若慈嚴生時薪水之供旣不辭艱苦而死後棺槨之費尤爲盡道不幸壽躋古稀以疾卒於正寢娶安人周氏早世繼娶盧氏素嫻內則生叔祖母爲義門鄭長史諱楷之女于歸時曾勉以俛說一時閨閭賢聲茂著叔嬸氏盧安人旣歸于吾克承姑誨由是婦順明彰咸稱徽音足嗣生四子皆英英玉樹垠也親炙懿誨以爲盛德之後其嗣必昌因以所目擊而心識者援筆而爲之傳從姪垠百拜撰

右泉子傳 行亨七十二

磚門派

東陽雙泉徐子文正者字友德號右泉少負志趣業於儒駿
匕有就方欲大試於時一日若翁謂之曰夫人苟存心於利
物於人必有所濟奚一途拘爰是乃從掾辟居邑之戶曹勤
慎肅恭爲上官信任紛授簿書卽未能時給輒燈火達旦未
嘗少墮厥職其直廷讞也尤以平反爲務人多德之見同列
孳匕事漁獵爲目前計者君必退而扃戶蹙額者移時皆曰
善哉徐君友德之宅心也其今日之于公平及役周六稔將
北上領懋擢矣偶覩鄉先達有覆公餗者舉其平生盡委之
地乃喟然長嘆曰人生貴乎適志須役役何爲因長揖謝有
司歸倚雙泉開幽徑植竹種花幅巾納履日與所好盤桓其

問于市譁塵務不入耳惟于諸子姓治心修身諸事頗膺
其念觀風者廉其資且謂急流勇退如是豈易得耶因推例
錫章服榮之噫此所謂緇衣之宜者哉世之爲溝澮之盈以
取我冠博帶者何限視之君誠不可同日語矣徐子予之姻
舊素知其履故敢托外史筆謹傳之用比于古之鄉先生云

昔

萬歷五年歲次丁丑春三月望

鄉進士知山東登州府黃縣事

義烏眷生北巖陳守亮書

江南蕪州吳縣徐贊府行傳

刊三百二

御史四派

贊府姓徐名邦珍字伯儒世居東陽城中介福坊端公諱隆之七世孫也善殖學披質於經相文於史漱芳潤於諸子百家言著爲文擲金石聲力雄人能挽五石弓沈毅多謀一時稱智囊以連年不得志於有司棄舉業例入太學爲入仕計而輦下居停之所與余邸不數武時相過從焉未幾期滿告身得蕪之吳丞爾時張江陵當國洪忍出其門者率捷足得美仕以去而贊府顧祿僅二百石貳職一方吾方爲贊府惜之贊府曰不聞昌黎云貳令於邑無不當問乎相助爲理吾行不負丞矣余乙丑捷南宮將令君之桑梓道於吳見姑蕪臺畔有困倉取十千者皆曰徐公佐縣勸稼之所致也短簿


祠前有雉馴桑下不殯不殮者皆曰徐公在縣撫字之所致也且茶磨嶼銷夏灣內訂屏迹鼠竊無從皆曰徐公佐縣鋤蕪之所致也余曰有是哉贊府果不負丞崔斯立之哦松風流不足多矣生平慕海忠介公之爲人萬歷十三年上以公爲南京左都御史欣然曰清風亮節幸得親炙之矣居無何卒於官士大夫將醵錢以爲殮具贊府方囊澁質命服賻之爲同列倡其果於義率如此公呐於口不妄雌黃而億中恒有卓識涇陽顧公自吏部郎中褫職與同志聚徒東林往匕諷譏時政裁量人物自負氣節與執政相抗贊府曰禍不遠矣漢季黨錮非前鑒乎吾愛之慕之不願效之也後卒如其言贊府生隆慶三年英年登仕籍高堂俱無恙迎養於解民

爭持羊酒爲壽人以比潘黃門板輿云原配葉氏善侍寢門
有淑聲丈夫子二長天保已補邑庠弟子員幼天定亦養嗣
待風已得孫若而人公今年杖鄉矣他日偕計都門大僚啓
事得上上考非張鷟所云九千里之丹鳳自下升高七十日
之黃氣從微至著與吾需之矣

昔

天啟五年臯月

通家弟賜進士出身知東陽縣事吳宏功拜撰



峴北徐宗一先生傳

利三百十五

御史四派

徐翁號宗一諱邦彥余友公孫震甫輩大父也其先伯川公徙居峴北家聲丕振科第蟬聯五世祖僉憲澹庵公賢聲聿追驄馬嗣後曾叔祖諱子玉者以進士高署木天

朝廷著作悉出其手從叔諱瑛中壬戌科甲榜累進刑部郎中家學淵源來有自矣公方就外傳卽善屬文矢口成詩氣宇豁達是非不校諸先型甚器之曰亢吾宗者其在此乎未幾補弟子員每試輒冠軍其爲文祖述先民不矜時調嘗自言曰文章發於性命苟徒撥其英華失其神采以是號爲能文吾恥之然素羸弱以過於攻苦疾轉增遂罷舉子業靜志氣屏聲色不出戶者二十年雖進取之志或衰而呶唔之聲未

絕課子之暇兼以課孫議論所及一歸尤好獎掖後進寸長足錄卽擊節稱賞以故人服其公亦樂其厚天啟甲子

歲

文廟崩圯公毅然自任偕同志者力董其事廟貌一新性耽幽靜好列文石花竺以自娛嬌烏佳魚清致可挹客至則品絲桐焚香煎茗推敲舊咏吟賞新詞或博奕終朝或觀場達旦不知老之將至也

聖天子崇尚齒德行乞言之典邑有司舉公以光學校賓請之日禮度雍容坐不憑几行不倚杖飄然有地行仙之日壽考且寧非有以致之而然乎厥配陳氏有樛木螽斯之遺風側室何氏舉二子長君菴諱天寵邑庠生乙酉科拔貢次君列

諱程先邑庠生文行並著稱爲二難一女適李虎臣諱世桓
邑增廣生乙酉恩貢除授兵部司務其孫石甫諱炳震甫諱
躍雷俱邑庠生公孫以下諸會員繩繩螫匕未有量也公生
於辛未年九月初十日卒於壬寅年十二月初三日享年九
十有三且與陳氏何氏三人並享期頤自天申之寧無謂耶
當易簣之夕尤孳匕勤學好問爲諸孫勉詩云無念爾祖聿
修厥德余殆於賢子孫有厚望云

嘗

康熙九年歲在庚戌孟秋

歲進士通家眷小弟金鉉度頓首拜撰



Faint vertical text columns within a rectangular border, likely bleed-through from the reverse side of the page. The characters are mostly illegible due to fading.

利三百九十七府君傳

御史七派

方今

聖天子搜求遺逸養老旌良甚盛心也豈有生同鄉居同里而有德不揚有善不著無乃有違彝乘而非遵奉

功令之至意乎徐翁利三百九十七府君諱邦厚字伯重別號繼松祖居峴北距僉憲澹庵公方五世緣祖母外家泉塘遂徙居焉公生而天性醇樸禮度雍容不苟愛敬之念藹然可掬見者咸識其不凡及出就外傳授經書輒通大指其大父峴松公深器之幼年丁考艱備極哀毀伯仲二人公居次敦睦之化刑于家庭子孫無悖戾之習任邨之誼敷於閭里鄉人有仁讓之風治家惟勤儉爲先不數年而不基肇造堂

構聿新稱素封焉尤難者延師課子肫匕懇切遇文會輒扶
杖往觀喜形於色挈榼提壺盤桓山水興復不淺也至於勸
課農桑必躬爲董率每集諸子姪而誡之曰人不可以不學
汝輩博涉經史非斤斤爲進取計祈於明理耳古人帶經而
鋤非無意也以故家師其意惟耕讀爲兢匕丙午歲郡縣舉
行鄉飲務求實行無事虛文有司以公聞辭讓再三勉起而
應時年八十餘矣皓首龐眉矍鑠如少環橋門而視者咸驚
羨爲神仙中人主席者以日送之曰飲賓若此始無愧盛典
公不與有榮施哉生四子長天揚次天拱邑庠生次天撫天
掄孫男十有三人雲初之允振匕未有艾也厥配杜氏凡成
家課子佐助之功蓋不少焉此又齊眉中所最難得者矣公

持躬不忒貽謀有方行足以式鄉閭德足以膺寵眷以是上
應

天子之旌曷有媿哉生於壬午年正月廿七日丑時卒於丁未
年五月十二日寅時其元孫洪彬從吾遊道公生平頗悉予
是以不辭固陋序公之巔末以附家乘焉

嘗

康熙歲次庚戌冬日之吉

眷侍教生盧之奇拜撰



東漢書卷之二十七

長以不備國朝京公之端末以備家室

辛丑月十二日寅部其示為先辨知者徵重公坐十款添字

天子之教其有餘焉主德王于乎五以斗十日正親卒於下

歌

詩傳不為報期言式行以以左與國壽且以事諸德以長上

春宇徐公傳 行貞一百三

御史四派

昔夫子曰吾觀於鄉而知王道之易易也誠哉憶予舊承乏
司訓東陽東陽綽有古風多耆碩攻砥先儒之學予慕之畧
仿古鄉飲鄉射之禮時會集談道乞言以憲長者衣冠甚偉
而諸子弟彬彬操几杖以待暮而歸散則鶴髮婆娑扶攜於
夕陽泮水之間卽彷彿羲皇上也遷官海外閱十有五歲茲
重訪之則長者之在無什二三而子弟行鬚眉亦非舊矣獨
風氣醇茂情好慤篤不殊昔焉盤桓久瀕歸祖帳郭門外者
且百人各賦詩把盞請再晤期而座中徐生洪器獨涕泣言
曰器不肖蒙先生訓向從先君子侍講道之席日以爲幸今
先生重過而先君子逝矣敢乞言以傳言訖復涕泣予聞之

喟然曰是予之責也夫尊君之生平熟於予久矣可爲生覆而按之則縷指曰性醇篤孝友兄從師遠遊而獨在家柄專孝養乎生日唯析產不分券讓腴而受確乎宗族子弟貧者助其婚資其學乎生日唯見義勇爲兩修學宮置泮堂講舍與南湖書院乎生日唯憫災卹困饑則賑捐河埧田以爲義塚乎生日唯也雖然此十五年前事也過此以往未之或知生言之乎頓首曰器竊識之今

上初直指使崇引年之舉檄郡守舉耆宿敦敬養八邑落也數人而先君子與焉比考終端坐正寢訓後人啜茗而逝焉余聞之又喟然曰有是哉羞者之公典也翁無愧也是積善之神凝也翁無亂也舉座聞之又咸曰唯也余因以嘆講學樂

羣之爲益大也抑講學樂羣之難爲再也徐生勉諸各同座
勉諸由斯道也以永古風於以繩武而貽穀也不難矣誠然
哉吾觀於鄉而知王道之易匕也爰爲之傳
公諱天鏐號春宇享年八十有九

峕

大清康熙七年孟夏

文林郎廣東瓊州府崖州感恩縣知縣兼攝崖州事前東陽
縣儒學訓導

海昌通家眷侍教弟金 英頓首拜撰

無謝學應舉

文心演制東觀漢記... 賦經美詩... 漢書... 東觀漢記

六書... 漢字... 漢書


漢

公孫天... 漢書... 漢書

漢書... 漢書... 漢書

漢書... 漢書... 漢書

漢書... 漢書... 漢書



峴如先生徐公傳

行貞二百五

御史四派

吳寧多佳山水而邑城相對兩峰獨以峴稱蓋由殷侯治東
有遺愛碑人思之如羊叔子故云然而殷之擬羊正如長卿
之慕藺名相如實不相如也若夫身在儒素而名動公卿行
在門庭而譽流戚里者卽謂今之叔子豈爲過歟吾茲有僊
於峴如先生先生世居峴城尊人彬字公爲姑蘓巡宰有惠
政先生克佩家訓甫齒齠卽穎異邁倫恥其身爲凡俗中品
弱冠登庠序燃膏繼晷擷英嗽率日數行下時稱邊腹匡鼎
期以濟時利用爲經世材屬明末國運多艱白寇橫發先生
慨然爲邑侯姚公畫策且捐貲極力城守率衆登陴晝夜不
息已而境土晏然上臺紀功題授郡丞先生謙讓未遑革命

後絕意進取惟以課子孫濟民物爲事學宮圯壞則倡率鳩
工不遺餘力家延知名士爲塾師以啟後進鄉里親戚有窮
乏者周之困阨者扶之有無辜而被囚繫者必鳴衆解紛訴
有司以釋其累至於各山古刹無不布施如午嶺爲南方孔
道則買山結庵烹茶施履諸凡積陰德事不可殫述有行人
所難者先生貌寬而肅氣勁而和濯匕如春日柳亦謾匕如
松下風接人常恂匕謙退推誠無欺待婢僕亦以恩信其豪
而悍者則毅然不爲屈或面折人過人皆服其誠媿悔而無
怨晚好山水時與騷人墨客及堪輿家杖履登眺竟日忘歸
年將耄耄猶騎驢覓龍穴其矍鑠如此昔叔子思誠著於敵
國遺愛被乎山陬先生之以峴如自號也意在斯乎元配官

橋生六子曰龍中廸中達綸中連中達一女適吳梁繼娶安
文爲余族姑撫諸子如已出兩陳氏皆淑德有徽音適徐門
皆二十六載而終諸子執繼母喪亦如親母長次遊庠三四
子八武闡孫枝繁衍皆謝家之玉樹荀氏之龍鱗也先生諱
承錫字厚之峴如其號予游峴城二十餘年熟聆先生徽音
族友怡之以誼屬姑夫請予作傳予不文聊誌行畧以代口
碑云

峴

康熙九年歲在上章闡茂仲春上浣日

文山氈隱陳嗣章木僊甫撰

山

...

...



... 子人... 廿二... 文... 蘇...

瑞南徐老親翁行傳 行貞二百十四

磚門長派

公諱天象宦名承美號瑞南乃利一百三十九府君之次子也翁體度俊雅望而知爲偉人秉性剛直清正不輕然諾坦衷率意與物無忤故遠近皆樂就之族推爲宗長綜理祠務十餘載惟以承先啟後立念敦倫睦里纖悉必謹以郡邑掾奉例加監起授江右南康府安義縣尉其邑漕務繁重鮮能克勝其在當事察公廉幹一以委之捐私去弊執法奉公分毫無染指衆皆悅服競先樂輸奏最爲闔郡第一漕院司道府縣獎賞褒美不勝紀載秩滿遷東粵衛經廳聯陞紀錄通判公度時事多艱遂決志恬退不爲五斗粟而折腰驅馳外省之勞也雖居家城市足跡不入縣門訓迪子孫郊郭優游

督閱田圃此外盡行屏絕今年已逾耄及耆宜人吳氏夫婦
齊眉矯健如少壯諸孫森森玉立豈非厚德潛養之所致歟
徐門雖多賢如公者未易指一二屈也因長君之請次述其
行事以為後世法

右錄各府院道大計冊獎語

本府王諱養正

督漕嚴飭奉職無忝

分巡道林夢官

以勤贊政嚴於催漕

按察司馮諱登高

漕催知勤供職能恪

...

布政司王諱維夔

催糧勤敏 奉委克供

欽差巡撫江西等處右僉都御史諱曠照

襄運知勤 克供厥職

按江西等處監察御史周復

命賢聲獎語


守清 才敏 心實

政練 年壯 貌清

考語


奉職惟勤督漕克敏兩載雅能樹績一官不愧峨松

峇



康熙歲次庚戌冬日之吉

歲進士眷生許嘉祜拜撰



書

文藻 平 狀 書

守 勸 木 狀 書

命 贊 狀 書

對 心 狀 書

對 心 狀 書

煥 榮 狀 書

新 賦 狀 書

亦 如 王 朝 狀 書

蛟泉徐公小傳 貞二百七十三

磚門一派

公諱時龍字位時號蛟泉乃伯炎公之次子也少讀書有大志善屬文辭而卒困於童科豈其天實爲之耶何遇之艱也居恒事親視問不解衣及終養後卜葬城西數里許每一念至過而哀焉低回留之不能去云處昆季甚和不介利無戲言有怡怡風刑于室人與雞鳴夫婦同相警也課子有義方好延師情文周至而令嗣甫齠齡輒已賦思樂之章噫何及身難者而及子若是之易耶且最愛恬靜不濫交不機變不輕取與雖居城市中介公門不數百武而足跡罕到一如鄉人之古處者然常學灌園剪楦蔬果曰吾日涉以成趣耳且性不喜飲結小構數椽樹花一二盤設門巷右延賓戚甚便

聞客至卽欣然迎款自謂我能醉客又何愁沽酒無家乎若
公者洵可謂樸而文逸而趣者矣享年六十有九正寢而歿
嗚呼何天不假之以年乎生於萬曆辛丑九月初九日卒康
熙己酉五月廿九日娶余姊有令德惜早逝無出悲夫繼周
氏少公十有五歲性淑慎善持家益賢而有禮其情愛肫摯
一如余姊也生二男長洪縉少遊邑庠次洪緒方俊偉未可
量予忝內弟約記公之萬一時因甥之請也雖不文亦勉錄
其概云

眷內弟張光祖頓首拜撰

貞三百四十七處士暨斯氏安人合誌

御史三派

是歲十月之望緩步杏園偶感美木千枝葉葉歸根遂悟人生之有本亦如是也俄伯父蘊山大人招詔而前日宗祠重修譜系我祖考旭陽公太妣斯氏安人生平行畧汝也誌之詔默爾侍側竚聞伯父追厥往行而詳示云先公幼業儒篤志力學師友無不重之年弱冠曾祖考終天居喪盡禮三載不出戶庭事太妣承顏順志每遇薦新必羞以獻或逢公外則以音問久疎爲念雖信宿無越竚如是者二十年至違養之日執喪禮與前曾祖考去時無異既重一本之恩又篤連枝之誼伯仲共爨三十餘年式好無尤復輸囊金半百爲宗季策其生活未幾年屆強仕倏有逸志徙居南山之陽犁喪

鋤雲戴月披星惟是樹功種德培蘭栽桂惜乎天不永其年
甫攝官政而卒卒之時叮嚀反覆者惟耕惟讀訓我後人至
太妣及笄于歸有孝行遇太妣盧氏病不起與伯冢姆張氏
割股籲天後疾得愈未幾花甲半週遭先公大故易簀時痛
切傷心誓欲身殉舅翁勸曰爾有從死之誼其如遺下藐孤
何遂節哀勉治喪事既自南山歸居於故里縞衣素笄凡慶
弔諸務俱不與朝夕所事者惟勉祖就傅教姑女工及祖與
姑齒長爲之計其家爲之籌其室凡離先公三紀有餘心勞
力瘁嚼苦茹荼從無遽色疾言逮晚歲方快然曰吾生平戰
戰兢兢爲亡人保厥令聞迄今年已邁矣所願者惟是賑貧
恤乏推食解衣稍積陰功貽之孫子使已往之箕裘克振將

來之堂構日新吾志已畢厥行如是宗族姻黨因以其實聞之邑令遂沐俞公旌其匾曰節孝垂芳不幸享年七十有七無疾終於內寢伯父大人追厥往行而詳示如此詔也承命而謹誌之將先人之行足爲我後人式者復足爲我以後之人式矣世匕子孫誠永守勿替固伯父之願亦予之願也夫爰附斯語于後云

峕

乾隆五年歲在庚申陽月中澣

曾孫應詔盥手謹誌

薛劉正平徵拜典中謝尺中翰

出

美地微編于詩云


人定矣其以千社歸天守以替固前父之職亦于之願也夫

而歸焉之故武人之行以欲拜於人左齊對其為與以終之

與夫神效肉靈前父大人啟無封汗而指示成此語也奉命

之也合聖於命公歡其國日曾幸塵代不孝年平以十有六

來之學辨日海管法西畢無汗收景宗然歐黨因以其實用



高曾二祖

貞四百十四
純五百四十一

府君合傳

御史四派

古云數典忘祖恥也故為人後者誣祖不可忘祖尤不可况
近在高曾乎而忍其沒也舒之高祖貞四百十四府君儀
容未覲笑語未聞而存心制行之畧尚幸聞之大父樵隱公
云性最嚴砥礪廉隅家人子女少不洽意則鞭撻隨之治家
如此餘可類推元配俞氏太安人無出與高祖合葬呂澗村
亨利二代祖塋之右中間空壙後曾祖并遷葬於此焉繼娶
呂氏太安人塋里正塘基北曾祖純五百四十一府君舒生
之年甫沒五週曾祖母王氏太安人猶目見其鶴髮童顏摯
孫男以戲玩舒亦共博其歡心當其卒舒年十四故曾祖之
素履聞之固甚稔也誠慤謹飭持躬恂也然遇尊長旁立拱

手以待晚年戒酒茹素見有網魚魴鼈之類多以錢買放之
朝夕課誦經卷其於世事淡然也年將八旬而逝曾祖母厝
於月塘後嗟乎積穀以遺子孫子孫未必能守積書以遺子
孫子孫未必能讀若我祖非誠積德以遺子孫者乎子孫其
可不思無忝我祖也哉故書之以爲後來者告

乾隆六十年歲次乙卯仲春之吉

元孫正舒百拜謹識

貞四百四十一公行傳

御史七派

公姓徐氏諱尚忠字夏卿別號永慶者世居城北隅百歲晚
翠翁係柱史公第七子公七世祖也其高祖諱黔字世孝號
木齋安人呂氏曾祖諱鳴墀字廷位安人任氏祖諱文鎧字
惟富安人呂氏父利四百五十二諱邦佐字伯周安人呂氏
俱有懿行昆季二公居長孝親友弟嘗讀書治易寡過居心
甲申清明交際隨父揭家避亂僑居七都水閣惟稼穡是務
增置田產交際親朋多率直不事浮靡治家嚴肅不涉公庭
好夜坐故舊皆喜其劇談爲人正直襟度寬宏有古人之風
概絕近世之澆漓殆無懷氏之遺民歟抑葛天氏之流亞歟
順治定鼎後復居城修葺舊宇甲寅歲乃居於水閣焉丙辰

十二月十八戌時謝世距生皇明泰昌庚申十一月十九戌
時壽五十七配大礫樓太君有淑德享年九十有三四子長
諱洪文字爾彬讀書敦行惜二十四卒於公前仲諱洪秀字
爾毓享年七十有八三洪培字爾厚壽亦七十有八季君邑
庠諱洪吉字爾修今七十有四矍鑠如少壯另有行畧茲不
復贅馥生也晚得與季君遊故知之甚悉乃直述其行如此
見其孫子森森因知天之報施不爽也是爲傳

木皆

大清乾隆五年歲在庚申陽月初旬

年家眷晚姪激溪李正馥頓首拜撰

貞四頁四十一公皆

碑史

徐承章叔翁傳

行貞四百八十一

燕山派

翁諱天光字承章其族祖居城中後街自文四十一府君遷居燕山翁其八世孫也翁爲人孝友愷悌恤寡憐貧兼之慷慨大畧遇事輒吐所欲言毫無忌諱里中咸敬畏之娶裘氏治家至嚴肅內外長幼無不秩然有序善經濟凡所規畫皆出人意表初翁有一昆諱天經崇正癸未冬出遊冀燕旋以清明用兵故阻外腹遺一子越數月生翁深情撫字視如己出爲娶陳氏生三孫男又爲之延名師薰陶涵育以至成立今皆森然不減謝家玉樹孫男長光仁次光義幼光禮卽廷儀戊子春郡試冠多士大爲太守王公所稱羨隨博弟子員蜚聲黌序翁善飲兼好客客至輒與之浮白不盡醉不止酒

後耳熱抵掌而談當世事旁若無人有古王猛風好施與凡
 大義所在即傾囊成之無所於靳故當世之縉紳先生莫不
 樂與之友而郡邑之侯伯大人亦莫不知其名康熙壬申歲
 俞侯來蒞茲土聞翁素行嘖嘖人口心甚敬慕旌以褒獎善
 行扁額翁素樸實不求當世名值八十大壽郡伯王祖臺又
 以風高渭水扁旌之燦然生輝既耄世故落窳構一軒外築
 小花圃其中植嘉樹名花七底列石磴碁盤與故交舊戚行
 樂其間甚陶然也余與翁所居密邇兼與廷儀交頗知翁素
 今聞家乘重修爰走筆以誌其大畧如此

眷小姪孫邑庠生虞景翰頓首拜撰

俞承章詩集卷之二十七

俞貞四百八十一

泰山派

道卿叔翁行傳 行貞五百三十

燕山派


翁諱天科字道卿乃我從祖百歲翁六世孫也性明敏幼習
詩書通經史鄉黨咸深器之一日若考太翁疾甚百藥不瘳
翁乃刲股進嘗甫吞病卽釋復延年一紀時翁年方十餘齡
也孝友之感人皆謂其性而已然嗣娶胡氏生三子二女俱
以時婚嫁傳家惟耕讀耕者倉廩以實讀者亦駸匕挾飛鳴
之勢平居以敦本睦族爲先隆師信友爲務他若勵廉隅正
風化振綱常維節義懃匕懇匕而多古人風者未易更僕數
又甚怡情麴蘖溺志林泉酒後耳熱或登山長嘯或臨水豪
吟舉凡非分之榮均不足以擾其胸次所以年逾花甲孟案
齊眉壽近古稀桂蘭滿目其享此無疆之福也非公之合善

自有以致哉禮也幼叨規誨長沐薰陶今當家譜重新爰搦
管以識其畧而彰翁之大德於不朽云

昔

康熙己丑年九月既望

姪孫光禮頓首拜撰



燕山正卿徐舅氏暨張氏合傳 行貞五百九十三

風俗近古無若燕山之宗世代同仁孰如公家之蹟公祖良道父伯益前作後述幾乎徐氏濟其美矣公諱天位字正卿張氏安人所出也昆季有二公居長性善而醇不喜浮華篤於事親無間晨昏居無何垂白二人乃以參差壽終時在公年弱冠後也中心不忘報本陵寢求爲永奠旣而福善唯天獲厝於本都薺塘之下其穴的其龍真水聚砂清卜云其吉公已有其報施之休徵矣公有舊址將以廣棲孫子於是興其土木增建樓宇輝煌不下于公之第真可謂丕振家聲而詒謀燕翼者矣且視手足無殊聲氣之應求亦待族人勿異賓朋之相接理家則曰勤曰儉與人乃能信能忠取囊箱以

通有無里戚感其慷慨揮議論以解鬪忿彼此服其公平此皆善積於中而形而爲動履者也佳配張氏祇事舅姑無違夫子婦道純也嚴正齊家端肅持身婦容修也從容以待賓客但見中饋無雙懽喜以洽親隣唯是式禮莫愆今公年六十有六張年六十零二舉案齊眉壽算無窮則一梁鴻一孟光也而况繞砌盈庭蘭桂其芬芳乎男三長洪邁字子英娶沈氏次洪巡字臨侯娶趙氏幼洪道字聖大前娶張氏後呂氏孫男各一曰光銳光鎬光釗孫女二象賢克肖而公之將來其爲爾熾者正未有艾也易云積善之家必有餘慶殆公之謂乎公通族重修家乘命姪孫字廷儀者爲予契友嘗嘖嘖稱公行不衰因囑予傳予曰此吾分內事也無容他談於

是敬爲之傳但恐筆舌不足以彰公之懿行覽者無以鹵莽
見哂

嘗

乾隆五年歲次庚申桂月上浣之吉

城南通儒坊郡庠外表劣甥許思鎬拜撰



姓南極論世將舉侯姜參隱者思高我

薛正平兼大與申封以土崇之吉

晉

長卿

其婚為之制川慈澤告不長以公之德并寶未無以商

東陽徐庠生之珍傳 行純百九十一

磚門一派

吳寧邑庠諱洪芳字之珍裕生其號也大源出自偃王之後
有婺州守諱頊之五世孫伯川遷居東陽子姓繁衍世稱名
族予內弟朱號逸生者視篆而復司鐸卽其地也與邑庠徐
君爾盛爲深交適庚寅之秋道過武陵獲交爾盛未幾又獲
交其兄之珍皆季元名流也傾蓋投合如平生歡且浮白飛
觴形忘談劇得聞其居第有節義人家素月一簾梅影瘦文
章世胄春風幾度杏花紅之聯予嘗識之至捧 綸音有端
州郡守之任繼而遷關中憲司歲月幾更縈 匕別緒每念舊
知南鴻致問始知之珍於壬辰之陽月望日已赴玉樓矣嗟
嗟人生之幻恍然蕉鹿時內弟逸生在署哽咽者久之謂天

之奪吾良友而遽速其年也予因詢其平日之梗概遂喋喋爲之述此君性敏穎負大志鼓篋膠庠長轡欲騁睥睨一世曠達不減元龍不與庸碌者俱外似坦率而中實慈和居平奉親最虔恰母氏遭疾願減算以身代時從叔祖諱珙者由進士任秋官正郎遺陰宅爲鄰暴侵君乃挺然持議以復不惟是也素重然諾不指拇其說遇困阨慨以麥舟贈弗靳視人不平事如己事無前跋後窳之想鄉里中莫不挹其高標而信其胸次之無他惜乎今已矣佳猷具在哲人云萎孀僅兩旬遺孤三尺言念及此寧不爲知亡慟哉復爲之扼腕而難爲言予曰彼蒼之報善人不於其身而必於其後向之言節義文章之聯不意今日可合之珍之孀與孤而照寫也若

夫生平之梗概業已喋匕述之不啻口中碑矣予無俟作馬
卿枚乘也遂因其述而述之爲之傳

賜進士第奉議大夫知廣東肇慶府陞陝西漳關守道兼理鹽
池事

崇川玉璜張之璧拜贈



崇川正實先生文集

卷二十七

論說士後奉新大夫侯欽東舉進士到判西

賦家世世因其數而致之為之新

夫古之射謝業其期以越之不管以申物矣于無用亦

文學徐爾公翁傳 純二百廿三

御史四派

余自承乏吳寧愛其風氣淳龐多食德服疇之俗邑中著姓咸聚族居而醇謹不墜家聲者則共推雙泉徐氏意必有一二者碩爲之繼承綿延於其間故里黨之習端子弟之率謹也既而與其族之人士從容諮訪咸交口道文學爾公翁之賢如史所稱王直方其人者余甚敬慕之洎翁沒之踰年其嗣邑諸生光升奉行狀詣余而丐一言以發其潛余維翁有齒德而隱者也孚於鄉評言何容辭謹按其畧翁諱綸字爾公其先世由姑蔑遷東陽者爲始祖前明英廟時官侍御以直聲聞朝野諱隆者爲本支祖而諱天保者則翁之父也少英敏簡重不爲童子遊出就外傳通四子書五經下筆

洋匕灑匕越其儕友弱冠補博士弟子員有聲庠序間性端
慤慎交游治家內外嚴肅必準諸禮待人則推心置腹極盡
款曲而後已人有睚眦之報得翁一言則深自愧阻以故前
邑令俞君雅器重之目爲邑中佳士然非公不至未嘗以他
事干焉家畜一騎甚良偶之山遊有不逞少年見而攘之終
勿與校後其人自悔而歸焉其與人不競類如此翁祖侍御
公在雙泉爲一大宗子孫近千餘人而祔食一祠未有專饗
翁慨然念之乃合其族人相地於所居之北作廟數楹歲時
伏臘率子姓奉籩豆明禮讓雍雍乎少長咸敘其經畫之勞
尤不容氓者配南岑吳氏以婦德稱白首舉案常肅然如賓
也翁享年九十有一子六人孫十餘人子孫曾元繞膝者四

世一時共艷稱以爲人瑞云

贊曰

余觀古史書所載以醇謹治家者其後必繁信乎君子之
澤長也况夫以敦龐純固之德爲末年集福之徵人定勝
天其原在我如翁者詎不足證歟夫翁以一介儒生講讓
型仁修廢舉墜能使里閭薰其德于勿衰其又古之所爲
善士者歟嗚呼賢矣

賜進士出身文林郎工部虞衡清吏司主事

欽差督理五城街道知施秉東陽兩縣事張愈奇拜撰

煇華著殿正壯雷蕙秋蘇表東國清輝學效愈

顯慈士出良文林演工清冥漢晉東所主事

善士容煇訓和寶矣

堅寸鈔甄舉聖清如里開黨其盛于以蘇其及古之德

天其原亦此賦餘皆指不呈舊煇夫係以一介論主點

辨是也其夫以輝甄錄因之辭益其平其論之舉人

余鑒古史書浪傳以輔蕭翁宋香其對必舉詩平錄于

贊曰

世一掛其體誦以為人論云



純二百五十二諱洪溥字君合太翁傳

御史四派

世人皆言積德矣予謂德之積也欲驗之於已往必卜之於方來實有其徵應之符而後可援引以自信予嘗觀之諱洪溥徐太翁矣按翁爲人少持謹厚雖俗移習染本性不雕其事王考也以深愛而發爲愉色凡左右就養率根孺慕及賓天哀毀骨立餽粥不入口者數日緣以伯仲紛繁吉兆未卜詎甲寅寇亂搔擾城都諸姓紛匕各出外避而寇以兇狡之志不獲逞也意將室廬盡焚翁知乃雙足踣地曰吾親靈柩尚鎮中堂倘有疎虞罪將何贖爰率其季洪沾往赴窀穸或止之翁曰失父尸縱立人世亦無益矣遂潛歸星扶以厝厥後析箸均產品分就情以論卽不懷私亦焉肯枯受而翁則

曰得田地失兄弟吾不爲也何有何亡悉聽取給不幸艱於厥嗣翁自思以心田未種爲歉隨將齒積每於嚴陰重寒之秋興發賑濟間有疲癯殘疾顛連無告者尤加厚賚乃五年餘蒼穹果格得舉丈夫諱曰光球今以吾分序卽親翁者是及晚德益加進蒼顏白髮逍遙於閭左之間見子弟則勉以孝見貧苦則戒以勤其有力不能支坐困無策者則出所羨以資之而于親戚故舊尤見情意周浹語云有德者必得其壽卽以此躋期頤宜矣奈脩短有數時維康熙戊子年六月十六日亥時忽以無疾卒于正寢享年七十八歲嗟夫太翁去世于今三十餘春矣緬想當年一索得男而今也蘭孫濟比各皆玉立幼蘭作梅與余爲姻締其才姿卓犖器量宏深

尤能克紹宗風光大前烈則所謂驗已往而卜將來詎非徵
應之歷也哉余故援爲積德者信因敢爲之傳

昔

乾隆六年歲次辛酉春王三月之吉

鄉進士年家眷姪金光傑拜撰



陳獻士

詩詞六

昔

蘇之志以詩余姑對為贊對香詩因雜為之動

余詩良詩宗風光天首照眼魚睛劍日封面小襟來頭表

素齋徐公暨安人胡氏傳

純二百九十六

御史三派

余前聞徐子應詔祖母胡氏壽八十有三終於內寢往弔見喪事遽不凌節知孝行家傳久矣踰時應詔詳敘祖考與祖母行狀請文於予覽畢高其行誼言不容已遂援筆而爲之傳按厥祖素齋公諱洪楚字爾善明永樂時福建僉憲澹菴徐公之後裔也性醇篤務大節不矜細行頗有古人風畧幼承先世聘君耕讀遺訓恪遵弗違至冠若考旭陽公染疾多方調治蹇不愈公克肩大事人見附身附棺必誠必敬咸稱爲孝子旣侍母側而泣曰往而不返者父也予何時得再見乎母曰汝能體乃心遂不啻其存矣自後凡一舉一動惟母命是從雖遇有豐嗇不同時有勞逸各殊視膳問安極造次

顛沛而不苟既體父心以事母復體母心以撫弟時弟厥齡方髻諸務未識每出入必諄匕誥誠比長計其婚媾旣室誠其勤業同居共爨三十餘年不聞翩反以致母心弗慰至伯叔親戚宜敬子孫妻媳宜慈而和亦母之願也乃能適如所願各盡其道猗歟休哉人生百行惟孝爲原公有此數大節俱以一孝貫通則天之經地之義人之紀罔不自盡不洵足以登之簡冊垂範後人乎若夫修身處世之雅度施德行惠之美舉至今照人耳目赫匕若前日事蓋自有鄉黨宗族相繼而傳述者予姑畧而勿詳也賢配前山胡氏貞而順溫而有禮勤而儉孝而能節與公有協德邑令龐公聞其行旌其匾曰鶴齡松操公年五十有七生丈夫子三人克紹家聲孫

男九人繼序不忘而應詔尤能光大前人起繼鳳毛麟趾之
英遠紹象簡豸冠之緒猶未可量斯不預知公之盛德懿行
而克昌厥後也夫爰是傳其事於右云

昔

雍正五年歲在強圉協洽暢月上澣

東陽縣儒學教諭錢江吳國鑣撰



事親孝 尊君忠 節孝 忠節 孝節

敦古 尊親 孝順 忠誠 孝節 忠節

世

而後已 善哉 善哉 善哉 善哉 善哉 善哉

夫以 德 行之 善 則 必 有 報 矣 夫 以 德 行之 善 則 必 有 報 矣

長 於 人 則 必 有 報 矣 夫 以 德 行之 善 則 必 有 報 矣

純五百三十六仲璉府君行傳

燕山派

昔馬伏波還書誡兄子以杜季良豪俠好義效之不成陷爲天下輕薄子龍伯高敦厚周慎效之不成猶不失爲謹勅之士夫憂人之憂樂人之樂清濁無所失此其奮發激昂取重交遊當何如耶而識者以爲寒心若口無擇言謙約節儉如山都長者非末俗所謂卑之無甚高論者歟乃殷殷相警復欲爲後世子孫矜式豪俠若彼敦厚若此必有能辨之者善乎蘓子瞻之言曰仁者必有後松柏生於山林其始也困於蓬蒿而其終也貫四時閱千歲而不改蓋以所見所聞考之而天無不可必余於徐氏仲璉公有深契焉公諱洪惠字子錫仲璉其號也家世燕山系出名門爲吾邑望族以詩禮傳

家久欽令範翁承先澤敦宗睦族通緩急周貧乏生平無慳容亦無德色出入交遊倍極周慎不飾籩幅不妄言笑澹定其天性歟至遠近炙公行誼者知爲渾金璞玉令人欽其實莫能名其噐公行列伯氏嘗與仲氏言處世不必多計較心古所云終日讓路不失一步者約而可守退一步行何等從容暇逸以故尊卑咸得歡心人方之婁公唾面自乾云夫士生於世太上立德次立功次立言此其說尚矣而不知不德之德無功之功忘言之言乃朽而不朽者也此末俗爭趨畫虎以豪暴爲快其所謂功與言已非况於德乎若仲璉公與不德之德其積之以遺子孫者乎當燕山家世豐腴時先人墳墓類多嘉蔭公與族黨居倦匕以木本水源相勸勉令勿

以利害生心曰損人利己非盛德事且未見利己者之果蒙
其利也余維公之志觀公之德親親故尊祖尊祖故敬宗敬
宗故收族詎細故歟不德之德是爲立德無功之功是爲立
功忘言之言是爲立言有舉三不朽之說者舉吾說而進之
不其然乎公元配張氏稱內職克成公志舉丈夫子四長光
生次光魁次光斗光宿孫明禮明祁明祥明祝明衿明祐明
社明祿明視肅然家世樸素風規吾知仲璉公積德以遺子
孫者方興而未有艾今其曾孫已森森玉立矣余叨姻末生
也晚不獲親承道貌與公會孫燦文諱騰漢稟直諱上青及
鴻文汝厚輩遊敘世誼攬餘芳輒流連慨慕其爲人燦文食
餼後樽酒論文日深水乳契互相砥礪往復者久之余從過

訪父老為余言得稔悉公行畧所謂仁者必有後為善獲報
不於其身必於其子孫豈虛語哉余觀後來之雋益以思仲
璉公之德弗置爰為之次其梗概以彰潛德并以誌景仰云

大清乾隆六十年歲次乙卯五月吉日

眷姪孫平江樓上層頓首拜撰

不其然乎公示謂張刃爾內輝京知公志舉士夫于四
文誠言之言是謂之言官舉三不殊之
宗姑好地張
其
以

子文徐親翁行傳 行純五百八十一

燕山派

夫世之所重者惟德人之共慕者惟才而運是才德又在惟品與行故才德兼優品行兼備自古爲難余觀今之人時遇偶逢勢位偶合雖才涼德薄而聲名歸焉反是縱抱德懷才立品端行且不掛人齒頰若燕山徐親翁諱洪彬字子文者才德不下於人品行不流於俗甫冠肩任家事勤劬作息端謹自維奉二親先意承歡無違子職友羣季怡匕式好可謂難兄由是大節無虧而百爲胥飭其遇尊長也則謙恭足挹其接親朋也則和易近人其處鄉隣也則周詳懇摯其值公事也則贊勦樂成凡事素位而行不卑不亢循禮而處無詐無虞此翁之足取信於人者耳至於賙貧乏有告必予通

有無出納不吝遇黨里有風波雀角者叩執於翁則爲之排
難解紛不偏不倚無所回護一諾等于季布片言比於仲連
人莫不服其公而且斷翁誠爲一家之良一方之彥也此非
才優德修而能若是乎佳配親母呂氏淑慎賢能同心比德
丈夫子二長諱光德次諱光行敬承志事克紹箕裘將來樂
事彌加而翁逾古稀躋耄耄齊諧白髮慶衍多孫目覩門閥
之聿興家聲之不振者預可爲翁祝之炳也誼屬至親榮沾
倚玉敬爲翁行傳載于家乘俾後世有所矜式云

乾隆五年歲次庚申仲秋月之吉

眷晚生郡庠趙正炳頓首百拜謹撰

文學梅菴先生少傳 純五百八十九

御史七派

先生諱洪吉字爾修別號梅庵系出明柱史公後世居城北
雙泉里其祖因避兵遷家於七都水閣村父舉三子先生爲
季幼就外傳能記誦如成人八歲父沒家貧僅畱瘠田數畝
以充贖粥諸昆令先生以耕兼讀出則負耒入則橫經艱苦
備嘗志不少倦去所居半里有招提曰雙隆雲林釋名勒如
者於此往錫其人本儒而逃于禪時據高座講大乘法先生
往聽輒有所問勒如勃然曰儒者自有聖賢可學何事枯禪
先生因叩所要勒如乃舉朱子格物致知之義及盡已推已
之目反覆講究幡然有悟遂歸而筆之於書示不敢忘卽以
勒如爲師折節讀書虛心窮理以爲身體力行之方于科舉

業竟不之及也鄰村有某塾師勸之爲時文先生曰是不難
構思屬草未匝月成一巨編洋匕灑匕暢所欲言見者以爲
莫能及年三十始應童試卽補博士弟子員十赴秋闈不遇
終無幾微頗領意也先生之學以忠信爲本實踐爲歸謹之
於日用居處之間而推之于應事接物之際其于吾鄉盤溪
歲寒二齋精實心地刻苦工夫之旨惟先生克守其言生平
事母以孝處世以和持己以介至于見義則爲不能怵以利
害康熙壬寅邑饑臺省下檄令民捐粟助賑時七都推先生
董賑事癸卯春災黎皇匕待哺先生盡收里中所輸粟而均
給之會郡守下縣頒賑令丞倅分視各鄉查七都者爲金尉
某冀有所取索先生不少爲應拂尉意因以私自擅給責先

生先生抗言力辨義形於色尉詞屈訴之府欲以禍中之郡
守檄之往先生儒服庭見引經據理不少挫守亦廉知其實
事乃得寢其毅然不阿有如此先生年踰八十猶手不釋卷
所作古文多闡濂洛關閩之緒詩平易溫柔近白香山邵康
節二家真儒者之言也乾隆庚午秋爲書遍告其親友弟子
曰吾將以今年十月二日去世可與諸君作別如期衆人至
先生沐浴具衣冠端坐正寢語相知以修身齊家大事令其
子歛葬虞祭卒哭一依朱子家禮不得用浮屠治喪復吟詩
曰照耀一輪松際月飄搖幾陣柳間風語畢而逝會弔者數
百人咸咨嗟涕洟以爲失此一鑑也所著書有文集詩集通
鑑綱目發明先儒嘉言懿行錄曹月川夜行燭註解其若干

卷藏于家嗚呼以先生篤志好修不惑於世俗詞章聲利之
 習雖進不得階一命之榮而其所以型方訓俗者固在也雖
 譽不出于一鄉之內而其所以安貧抱道者自足也一日之
 名百世之事以此例彼孰得孰失必有能辨之者矣時泉與
 先生子光戊交有素得以遍窺先生之著作思欲梓以問世
 而力所不逮茲因其甥庠生韋名榮名暄之屬為敘次其行
 畧若此尚冀當世君子有能發潛德而搜遺事者見之為先
 生傳諸不朽是又素心之所期于萬一者歟

昔

乾隆戊子年陽月之吉

後學光里宗再姪時泉謹撰

友人徐爾修傳

純五百八十八

御史七派

爾修余老友諱洪吉夏卿公幼子祖居城中後街甲寅兵亂
全家揭避於七都水閣村時七歲越二年丙辰始就學而先
太翁亦於是年逝世嗣後或在城或在鄉隨母兄上下遷就
無常所故爾修所學無常師亦無專門忽忽十年歲丁卯年
二十歲雙隆庵勒如和尚儒家出身長學問一日從而聽經
和尚曰后生宜讀儒書聽經非爾事也次年卽就學和尚和
尚令讀左傳講大學說致知在格物問曰何爲物云物卽事
又問曰物事也註訓原如此但不知隨吾身之所值皆爲物
凡吾身之所得爲者皆屬事否而師又曰然因悟身心意知
物也而家國天下不過完得這箇物格致誠正事也而齊治

均平不過完得這箇事遂將此意信筆直書無不鑿也有理無不洒也可意於是而凡有所學無不反求諸亡居今稽古遠覽旁搜胸中學問亦日積增高筆下文章亦日新富有而於八比一道全未之及歲辛巳年已三十有四矣始刻意時文焚膏繼晷不數月已斐然成章矣又不數月竟成一巨編矣然而顧不自信也里有用賓戚先生年八十餘歲試歸乃就正焉隨即其試題急就二篇戚先生大許可稱善三十八歲斬學院歲取入泮闈試十科不第今年七十有四矣而其精力則老而益壯也爾修有識力作用正大凡事仗義而行之以勇歲壬寅東邑告凶官府向民間勸賑而每都又舉一老成練達者以董其事七都則爾修推焉明年春饑民待哺

者囂匕爾修遂將賑米盡行散給時太爺在縣又差小官各都查賑時到七都者爲金經歷經歷是小人於此中不無染指意以米已散給大失望遂與爾修爲難爾修內省不疚亦義形於色盡氣抵觸直至憤甚而竟繼之以拳經歷回縣哭訴太爺太爺以爲無狀欲羅織以致其罪爾修卽挺身出質明目張膽言之辭以義勝太爺亦勢爲理屈終無可加於爾脩而止爾脩爲學會窺聖賢門徑正義明道欲深絕夫計功謀利之私故七都數十里凡出其門下者皆好用功喜讀書頗自約束不失尺寸交朋友救謬繩愆予數多口過坐論間一言之失爾修卽正色相規予雖不能盡改然亦心懾爾修不置也事親孝太夫人九十三歲壽終而爾修色養愛日之

誠至老不怠處兄弟怡怡自垂齟而白首無一間去年冬有
所著文集二大本俱手錄寄予評閱予未及細領畧今年春
有友人向爾修借閱爾修自攜去未付刻

籍林皆 姑小婿嫌十里八出其門不香香致用也喜齋膏

乾隆五年歲次庚申季秋月 門對玉鏡門對慈梁梁大信也

西自起和言文精以壽 年眷弟鹿溪邑庠生虞景翰拜撰

清太倉太論以爲無州始縣然以煙其異實於時其長出資

壽以飲山蓋原也誠自至對甚而資繼之以奉豫想回烈聚

諸意以米日婚歸大穴望激與爾修爲繼爾修內會不忠來

也宜潔中庭小怡香食金雞蘇動蘇蘇長小人飲此中不無幾

善以之爾修致壽壽水盡許婚錄排太論其別又差小官皆

善以之爾修致壽壽水盡許婚錄排太論其別又差小官皆

日輝公徐先生傳 良一百三十九

御史四派

聞之德可以昌後才可以幹事故德邵則言行坊表善積而有餘慶才美則左宜右有事濟而鮮失悞然每難以相兼觀於日輝公誠才全德備而無間然矣公諱光升字日輝乃明御史公諱隆四派之孫庠生純二百二十三公之長子也公生姿穎秀嗜學好古典籍經史無不淹貫倘有意功名易如拾芥然序列鴈行首遂遊太學早肩克家之任不復修舉子業憶公生平無疾言無遽色度量汪洋使人不可幾及夫且不伐善不施勞不計利害光明正大之心更爲人所稱引不寧惟是排難解紛屢息頑梗之忿設廠監賑嘗救災黎之困公之善洵擢髮難數然表匕于時而掛人齒頰者尤

在倫紀克敦也公之事親有愉色婉容之孝撫諸弟有友于式好之和處姻族崇仁厚之風交朋友全忠告之情由是薰其德而善良者幾何人聞其風而觀感者幾何人歷任邑侯聞其賢悉是則是倣凡政有可疑者每造廬請教壽登七十有五而賓大配吳氏溫恭淑慎克嫻內則誕五桂長君英翁凝重端雅無愧儒林風望次君鎔翁躬自檢飭洵推溫也恭人三君武京翁篤志詩書早列黌宮羣稱佳士四君重翁以禮自持足爲鄉黨矜式幼君燥翁循規蹈矩誠謙也君子也孫枝林也皆亢宗傑丈夫鵬程九萬指日可待余與敦士同筆硯而每問字于余又與廷宰信宰兄有莫逆交因稔知公之巔末庚申之冬適修譜牒將告竣敢據所中心誠服者

而筆述之俾後人世世知某公德之邵也如此才之美也如此云爾

皆

乾隆五年歲在庚申冬月

年家眷姪邑庠生陸輝含頓首拜撰



平案卷致邑率生望職合與首三

...

...

介庵公良一百五十八源泉公恭百七十四合傳

御史
四派

璠

與清溪徐先生一居吳興一處吳寧天各一方先生家世德之隆何由知之緣癸酉夏隨先君任東陽教職下車後先生與邑中諸文學到署會晤舉止彬彬先君顧而樂之遂以振興文教自任但先生與先君年相上下尤見意氣之投每於花朝月夕把酒論文之餘曾談及乃祖介庵公品行文章乃父源泉公敦厚周慎爲時推重惜謝世已久尚未獲當代大人持贈數言以垂之家乘先君聞之意欲得其詳以表彰之而志焉未逮歲丁丑先君赴京會試獲登甲第歷官部屬璐於回籍後亦不越數年在順天領鄉薦癸未卽捷南宮馳驅皇路歷有年所與先生契闊久矣己酉春先生以欽賜

舉人來京會試復獲承顏喜出望外榜發後先生欽賜翰

林院檢討重過署中以雙泉徐氏將修譜牒丐璐作傳以導

揚先德璐追思丙子年與先生世兄同補博士弟子員世誼

情重焉敢以不文辭約畧前徽介庵公之敦倫飭紀砥行修

身卽名儒老宿無以過之源泉公之安分守已裕後承先於

碩人處士又何加焉一則經匕緯史學富五車一則蹈矩循

規善聞舉邑採風者有不爲之細敘哉且更聞兩世內助之

賢祖妣原配張氏續配金氏考妣原配賈氏續配胡氏淑德

堪型徽音克嗣有垂之億萬載而足爲妯娌法者今日者徐

先生以耄耄之年天書再授禁署同登雖其畱心舉業刻

志芸窻有以致之而安知非上世之積功累仁有以啓之也

邇來芝蘭繞砌玉樹盈庭其食報者之源也而來乎易云積
善之家必有餘慶璐於徐先生之家而益信

皆

乾隆六十年乙卯陽月 吉旦

賜進士弟太常寺少卿年家眷世晚吳興戴璐頓首拜撰



漢書上卷大...

漢書六十...

昔

管之...

...

良一百九十七公暨安人施氏傳

御史三派

吾伯佩翁諱光球仕名兆鳳乃澹菴公九世孫也翁爲人少有大志既悼出就外傅比成童卽精文藝忽一日投筆嘆曰大丈夫有事四方卽當効用王家每見芸窗之輩手執一經終至白首猶駒轅下反不如雜途受知更爲易也吾其捨乎遂輟業膺辟工掾時令縣者俞公也廉翁幹屢試以煩劇翁辭曰典爲名非爲利也爰是逍遙五載缺滿偕同僚赴京考授從九品職初翁伯祖娶祖姆盧氏生翁甚鍾愛而翁亦孝性少成朝夕惟依一日疾篤翁侍其側祖妣囑曰吾生無以培汝死後我必有應時翁聞言淚不勝拭旣而邸於京越宿將戒驗時主驗者科甚刻翁方戰兢股栗忽恍惚中夢見祖

姆授以機易日赴解稽驗者果如所授以故一時人咸稱爲
孝思之應翁一生大約德勝其福凡微疵小瑕聲色不遽而
昇牧自矢無論輝炮翟閣一先禮讓每見獻祝稱觥典無限
節屢舞側弁遍盡朋儕而翁旣醉知由益恭益敬自少至耄
殺罰不蹈歲壬辰奉旨截取簡蒞恒驛夫恒爲九省通衢兼
以川陝戒嚴疑難奸險絡繹相接而翁經畧素優隨機因應
無不曲當歷四任以衰邁倦勤告休而歸語云有德者必得
其位必得其祿必得其名必得其壽雖高下不同卽舉以頌
翁又何愧哉不幸丁未之冬夢兆兩楹與諸子約以期刻命
沐浴衣以朝衣冠以朝冠見下環列乃囑曰吾歸矣聲了吞
氣而絕享年七十五歲娶姆夫人施氏柔嘉惟則尊尊撫卑

各嫻於禮且勤儉素生雖叨宦藉中饋不弛粗衣糲食奉以
惜福故今八十有餘猶步履矍鑠升飯餐期蓋其獲脤壽將
未有艾也胞三鳳長諱明錫次諱明鎔幼諱明鋒孫男十曾
孫三據今所有第見歲時伏臘斑斕戲綵姆夫人尊坐見下
旁環顧謂曰爾父棄正受異幸不負期所難者以雙雙垂白
沾祿王家十二載猶然衣錦還鄉惜其不克臻期頤耳言及
此偶覺色變旋又轉曰覩此翩翩亦足以慰爾父於九泉矣
可各稱觥以賀爰諸昆奉觴以進曰高堂紫氣幸依長春上
國紅雲得繞筆花則壽考加增於九泉而壽母沐
綸綍于旣耄是則兒之願夫

皆

良二百二十六宜人陳氏傳

御史三派

聞之地道無成而代有終然則代終之義責有攸司而無如
克盡其道者常少茲于叔祖姆宜人陳氏有取焉按宜人穎
川望族太邱名裔其德言容功之俱備已聲著于待字之年
迨至誦桃夭叶冰泮而歸我叔翁也閨房靜好舉案齊眉一
切家計總持勿怠凡四方賓客來詣者宜人經營劈畫縞紵
杯酒之歡無不盡如我叔翁意易曰無攸遂在中饋宜人有
焉惜得叔氏頗遲甫六歲就學逾載翁卽逝世宜人以內助
而兼外治既於喪葬各盡其道而於應酬尤全其禮惟日孳
匕以勤學教子爲務早晚催課無少間斷雖解館而先生之
監守必畱之至除方釋旣稍長知可施教時有少年庠英其

親甥也命往從之訓以經史道以文藝每浹旬必招之至前
叮嚀反覆誠勿以曠職貽悞自謂吾夫賫志以沒者吾必克
觀有成誰知事與志違距叔翁去世六載而宜人亦以辛勞
過甚染成篤疾知不起極至萬無可如何乃呼叔氏而囑曰
汝有父不得所怙今有母復不得所恃傷如何矣但吾與爾
父均以讀書望汝吾聞讀書人必出讀書家幸爾姑夫邑中
名儒也我死之后可就彼家居切勿以非汝所生父母逆命
而悖德言畢慟哭而絕哀哉叔氏向使匪僻性成逸遊是恣
縱有嚴師烏能範彼馳驅乃叔氏自寄托從遊以后朝摩夕
礪其于經史百家靡不講貫兼有名儒益友來往攻錯曾日
月之無幾而黌序已蜚聲矣昔人有言君有令子百不爲多

一不爲小信然哉今日者叔氏已躋古稀之外逍遙晚歲孫則雞羣一鶴曾孫則三鳳聯翩行且

綸誥重膺宜人之所以食報于後裔者方綿亾而未有已也蓮生也晚弗獲躬親懿範每侍祖父之前祇聆訓誨必引述宜人之概又承叔氏與蓮有忘分之交每于花朝月夕把酒論文之下備道宜人內助之功訓望之切付托之明始信代終之義洵與宜人有合也爰不辭固陋序其事而爲之傳

皆

乾隆三十三年歲次戊子春月

姪孫愛蓮頓首拜撰

淳劉三十三年歲次壬午春月

致府愛戴



書

其之為所與宜人所命出矣不賴國朝其率而欲之新

漢文之士當宜人所相之也應望之四於其之則其分

立人之難矣夫殊况與藝官欲不之文於其於其其文以

藝士出於其藝其藝其藝其藝其藝其藝其藝其藝其藝

能其其其其其其其其其其其其其其其其其其其其其

其其其其其其其其其其其其其其其其其其其其其其

一不其其其其其其其其其其其其其其其其其其其其其

耆英仲元徐先生傳

良三百

壽八十七

御史四派

余秉鐸吳寧時與諸生劇談暢論而其最相得者莫若徐君名正鎬也閒暇之餘嘗稱道其令祖之德予固心竊記之逾月旋來徵傳於余以紀其行實余喟然曰顯揚先德此誠仁人孝子之心也余烏得辭君之祖諱光悌字仲元彝齋其號也生平忠愛立心貽謀式穀寧靜以樂天居安以養性宜其壽踰八旬與夫婦而偕老堂慶四代繞蘭桂而齊芳蓋由先人之所以鍾蔭於先生者既厚而先生之所以培蔭於後人者亦甚深嗚呼若先生信可觀德矣厥配華氏有淑德內助稱賢享年八十有三生四子長明瑞次明珠次明琅次明琇孫男九人女一適二都貢生華思聖厥子肯堂肯構俱振家

聲而君之父諱明珠者碩德飲賓尤能光前裕後教三子並
列黌宮長體乾邑庠生次正銘郡庠生次正錡太學生即君
也曾孫二十三人君之長子各行早採泮芹與弟茂桐繩繩
螫匕兆鳳毛麟趾之祥承象簡豸繡之緒洵未可量也爰是
傳其事於右云

人遐哉徐翁也衡門寄志吾身托城闔不事名利齊其
庭繞桂蘭外家多騏驥天報善人曰五福畢備此始
還卜遠芳如箕裘弗墜

乾隆四十年四月

東陽縣教諭前江蘇常州府荆溪縣知縣錢塘趙 鎮拜撰

徐隱君傳 良三百一

御史三派

君諱光遜字志臣世居城北隅先自宋太學諱伯川葉傳族屬名顯丹籍迨有明觀察使諱隆以胄監仕至福建按察使君爲隆公九世孫少負俊才攻書史淵源家學尤敦孝友獨不喜仕進修以天爵高自位置卽古所稱隱君子者亦不過是主於慷慨勇義每見喪葬無資者皆給以棺槨賻賵遇歲凶則大捐賑賴以渡活者累百非尋常好施比也且平居交遊胸次灑落坦易近人諾重季布昔昌黎美鄭君曰不爲翁比熱亦不爲崖岸斬絕之行君其有之宜與兄文學鼎臣二方並著非其性分過人鎔以素養者能然乎雍正中邑令劉聞其人特舉爲約正宣講

聖諭一時觀聽者莫不率化各郡憲咸褒其賢扁音迭給者亦
名與實副嘖匕人口配胡氏合子三長皓仲晟季極皆昂以
義方極則少遊庠卓爲士林冠孫枝亦復英英玉立無非謝
家樹此固君之積德貽經所致也女三一適練溪何崇儼一
適安文文學陳修儒並有才名不愧玉潤云今年八月七日
以疾卒於正寢享年七十有七親友弔者挽唁滿軸適家乘
告緝余與隣比素悉其爲人因立傳紀其芳躅大概如此

昔

乾隆五年歲在庚申九月重陽前一日

年家眷姪趙楷拜撰

燕山廷美親翁徐老先生行傳 頁三百八十三

且人稟天地之理氣以生也不能建功立業以光大其前人
垂裕於後昆曷克置身天壤爲出類拔萃永千秋於不朽哉
今燕山 徐翁諱光明字廷美者其孫正紹從予學道翁之
爲人故聞之詳矣生平兢匕業匕維勤維儉以一人而繼數
世之傳以一身而致克盈之盛至第宅重新先謀克紹其雄
才大畧直有以挽 宗族氣化之衰重友尊師課孫儒業懃
懃懇懇欲嗣 先世書香以成有造之士其式穀有方而貽
謀又遠矣且胸具剛大之氣雖災祲不能擾其身外聯道義
之交卽貨賄不足汚其志凡閭里有事排難解紛斡旋悉當
猶其後焉者也不然如 令堂弟字廷儀者其三言也德音

秩秩其行也體度溫溫固品槩超羣者也何獨與翁相得甚
歡乎是翁之爲人又可想也翁之佳配王氏內助堪稱齊眉
雙壽蘭桂有螽斯之盛門庭肇麟趾之光男女耕織維勤子
孫琴書可繼何一非翁積德之所致耶若是所謂光大者翁
矣所謂垂裕者翁矣抑所謂建功立業者翁矣嗚呼如翁者
不洵出類拔萃永千秋於不朽而無愧天地之生者哉余不
禁欣然而爲之傳

昔

乾隆五年歲在庚申孟冬之吉

眷晚生趙介頓首拜撰

良四百十五徐公孝行傳

磚門二派

徐公諱光瓊字思璧號璽齋刑部公瑛之姪孫洪萼公四子也邑傳其孝行以割股救母聞余訪之甚悉以不獲相與旌獎其孝行爲恨適乾隆庚申徐姓修家譜族有適余土嘖稱道其行者余曰若所云卽考選諱陞陞太先生璧翁乎族人曰然余曰若璧翁先生其孝行表也余固聞之久雖愧不文願載筆以附諸家乘焉吾邑後街雙泉徐氏在勝朝登巍科紆青紫者相繼一時閱閱藉甚然歲遠代移或漸漸聞欲求如斯許馮唐輩姓名千載赫耀人耳目間不可得則豈非孝爲百行之原可以塞天地橫四海施後世亘古今而不滅有非簪纓鼎食者所得而頡頏耶而璧翁以天性之摯鬱爲


順德刻苦療親不難踵武斯許苟以是而登之家乘雖視彼
紆青拖紫又何以讓乃有繩以過不及之論者謂身體髮膚
受之父母爲人子而戕肌肉犯危險過矣君子或不之許雖
然孝子一念之誠發於至性豈冀人之我諒哉當親疾危篤
藥石不效祈禱無靈天地鬼神莫我肯恤阻于勢之萬無可
爲而迫於情之斷不容已爰以親遺膚割以救親庶有以感
冥冥於萬一而延親命於不可知之數噫其立意良苦矣余
讀先君所輯金華徵獻凡剔肝割股之孝罔不備登何獨於
公而不當誌以傳後乎爰述其事而誌諸譜所以挽頽風而
敦薄俗者固於公有厚賴焉公生于康熙丙辰卒于康熙庚
寅享年三十有五子陞陞考職候選其起而食公孝行之報

也尚未有涯云


昔

乾隆五年歲次庚申荷月長至前三日

霽堂王國陞撰



雙身後... 卷之二十一... 二



雙堂王國對

薛翁正... 申... 至... 三日

昔

自... 未... 云

良四百三十三處士暨安人許氏傳

御史三派

叔之生也未成冠嚴君卽逝其哀戚也匝歲不絕祖母曰嗟予季悲何過乃對曰兒不孝負罪有三一者屬毛離裏際此大變月制日制躬不及與二者慈幃將暮子職宜供困於棧釋薪水莫贍三者家傳清白食指頗繁徒負此身恃兄攜養每念此因自酸也維時祖母聞之亦默爾者良久旣爲拭淚垂頭者再居無何韶光易逝已服告闋而叔亦儼然成立矣爰授之室俾各居初叔儒業也旣治生托業於商考所規度殊不類經營侶或睨之詎莫知覺中利已三倍由是不數年而拓業頃餘一日偕祖母而侍述其素母亦色動因戒曰凡人不足則當私已有餘則當及人爾周急乎叔曰諾亦旣貧

窮賑乏絕濟矣爾恤患乎叔曰諾亦既急難先顛連救矣誠
然予慰旃雖然有義舉尤當先之於是時僉憲公別廟蹟雖
具制尚缺也衆謀於叔遂慨然身任科其費毫無吝復輸創
建捐己田畝許爲若考附北郊髣髴多暴露過見而蹙倩瘞
之念非久計也又謀於里中之善士未以會岳父岳母耄而
孤其長姑適於斯門稱巨富莫念及叔曰此外父母也乃迄
之生事死葬費無既歲頻凶貧人多不堪命方勸捐意以叔
爲創忻然曰不嫌瘠乎視所贏餘悉輸以濟由是龐姚兩公
各高其義一額以式曰淳良可風一額以匾曰南州雅望他
若表裏無欺曠匕乎如光風霽月平易可近煦匕乎如冬日
春暄此固其入世之雅人或有之姑無暇爲縷晰條分不幸

方屆知非耄耋祖母忽中危疾百方延療乃修短有數天不
爲孝子永也及易簀踣地呼號浹月之間食不甘味寢不沾
蓐第見形容枯槁非杖不起夫子曰人未有自致者也必也
親喪乎今以叔氏觀之尤信由斯以譚孝友之忱已流露於
衷曲之素任恤之誼已發見於積施之端有澤枯之仁有篤
姻之雅尚已詎泮飲方招而玉樓已召及聞訃知者咸出涕
曰善人也叔諱光璣字廷玉別號旭英享年五十八歲孀氏
許有淑德其孝嫠姑也唯所欲必親羞問膳期則惟曰予一
人初不以妯娌衆多懷異勤於作室曙而起更而睡中饋之
餘織紵是任經營勞瘁幾比乎冬不爐而夏不扇疏食物衣
其言曰苟可果腹何論精麤苟可蔽體何論美惡故一門之

內戚奉師表尤難者偕老齊眉不聞反目承懽聚順母即詬
 凌而且知來贈佩使叔得以親賢友善每誓死則同穴為期
 故叔未大祥亦俱而逝生伯仲四長曰明錦克家肖子次日
 應詔中選青錢三日明鏘四日明鍾年皆英畏其駒昂鳳起
 之象天將假是以光善人之門也夫於是詳採行實以為傳
 云

昔

乾隆五年歲次庚申冬月之吉

姪德全拜撰

鳴九翁行實 良四百三十五

御史三派

諱光鶴字鳴九翁者系衍八龍派分雙泉而豸繡第則其世
居也幼從厥考卜徙峴東與予接壤其生平得之傳述并得
之日擊有共仰其風規大可振乎名教者當垂髫時穎異秀
發惟冀步書香而駕上苑奈家貲薄乏兄若弟六七多稚不
得已而客姑蘓非必逐匕於魚鹽而每多獲償不數年間積
貯盈裕乃爲昆季擇名門奉六禮以娶各勉以奉事惟謹無
拂高堂之色笑凡此乃其常也更有變焉者幼弟光胤娶未
週載隨姑蘓而歿婦澱水李氏志冰霜之潔求立嗣翁憂且
快輒以次子明珠與姪明珣爲承祧務相培植以終厥守乃
未幾而四弟又早逝幸遺一孤婦亦誓不再醮翁益互相扶

持完兩婦之操是以兩婦固可表而一伯不知幾費艱苦矣
凡此乃其處乎同行也更有全乎繼起者若子若姪若孫輩
雖不無秀頑之異要皆率以親長必敬奉祀必誠話言舉動
之必慎故一門中名節存而秩敘昭莫不循匕矩獲守大家
風範凡此乃其維乎一家也更有善於在外者睦族而不侈
族諧衆而不徇衆一切姻親朋友槩往來以情分而於利一
道人總多負未嘗少形德色若遇事則談言微中不數語卽
爲排解閭里咸推服凡此皆其徵乎一已也更有得之內治
者娶安文陳氏孝姑嫜和妯娌撫摩幼稚至若師友士林益
與翁加優待所以植德厚而齊眉徵壽五子皆崢嶸頭角而
諸孫尤多英異倘承翁志而加振拔則望隆鄉邑者旋且譽

達皇都顯名節而耀前徽固駸比其未艾也然未卜將來之
榮應已昭今茲之風規故予不揣庸陋敢爲誌諸宗譜以振
名教云

昔

乾隆六年歲次辛酉春三月之吉

眷姪斯 宗拜撰



卷之二十七

薛劉六... 卒西春三月之吉

昔

本...

策... 且... 卒... 西... 春... 三... 月... 之... 吉... 其... 未... 艾... 出... 然... 未... 小... 洪... 來... 之...

松嵐徐先生行傳 良四百三十八

燕山派

表兄諱光禮字廷儀號松嵐表伯方翁之幼子卽表叔祖章公之姪孫也表伯早世伯姆孀居家事俱聽表叔祖一身肩之課以詩禮兄天資聰慧力勤不怠有聲鄉黨間且襟期灑落氣度和平不矜奇不炫異只爲人之所當爲篤於天性孝友之際尤爲用情年躋十八叔祖母裘氏染疾延師調治百藥不瘳徬徨無計刲股以救孝心格天疾亦果愈而延年一紀然兄之心常痛先君早喪因而事母極其敬慎致誠致愛終身常如一日凡所以左右就養先志承顏皆無一不當親意一日聞人言持血盤齋可以報親恩於萬一卽隨俗例持齋三載並不敢云孝心一點處兄弟怡怡壘篋叶應雖其年

相若事之如父事皆聽命終不敢以已智先人餘力學文鑄
局鍊詞古致績紛不逐時下一派誰意屢試不售迨至三十
一歲郡伯王公府試閱兄之卷擊節稱賞招覆七次愈覆愈
妙拔置冠軍是年四月學院科試拔取第三名入泮值表叔
祖八秩大壽郡伯王公復給以風高渭水之額輝耀其堂兄
於六經子史左國之文靡不啜其英而茹其華間且從事詩
賦曉窻夜檠伊唔不輟試輒超等無如命途多舛旋遭叔祖
之喪而號天籲地莫殫其悲凡所以附棺附槨者靡不傾囊
以備卽卜牛眠鶴翥之地而厝之復遭表伯姆喪兄哭之過
中制形容日瘠人見之驚怖勸使之節兄愈不能止凡喪葬
祭祀之類一準文公家禮歷久不變處宗族姻黨隨事甄助

分財悉力了無德色亦無怠心排難解紛惟公惟平至其待
遐邇朋舊各以恩義而其德之溫才之美容止之端莊言詞
之遜順無隱顯皆然也尤可異者雍正十一年瓜月之朔漏
下二鼓回祿不仁於兄間壁爲災兄於夢寐之中躍然而起
火光接天兄於祖先前倒地呼拜天卽返風延燒四十餘竈
廳堂盡燬兄之門壁俱焦而居廬依然無恙寧非厚德陰功
之顯報乎兄遂劄議率衆重建廳堂不二年而落成而輪奐
逾舊又於十二年春通族共逋應限錢糧五十餘金火災之
後人皆露處束手無策兄又劄議各殷戶募捐全完歡聲沸
耳而邑侯姚公甚欽其舉獎以親睦堂匾額通族共榮間又
同五六與事家長捐資賠祭設法取贖先前典賣祀產租田

二百餘秤無論長幼男婦靡不共相贊嘆至今戶尚詩書家
敦長厚禮義之風慈祥之氣藹然可掬而且田連阡陌棟插
雲霄氣象規模較前倍覺豐亨是雖氣運使然抑亦吾兄主
持風化之力耳晚年退掃間軒蒔花種竹之餘搜羅百卉古
椿因勢利導隨物成形錯列於琴書几席之旁興趣又何其
幽雅也今年六秩有三而慷慨之性初不爲人窘束因得隨
意烟霞動遊神于春花秋月醉心泉石長托足於白露蒼葭
是宜易髮易齒永荷純熙於勿替矣馥雖不才亦當爲酒介
壽竊效幽人之故事耳淑配吳氏賦性溫柔克嫻婦道而尤
喜施與待子姪以惠處窮困以恩厚親戚以義洵有睦婣任
恤之風哉生二女長適大區庠生吳應潤次適沈良沈德光

皆屬望族四男曰明格明樞明模明標咸遵庭訓克繩詩禮
之風徽共凜家規不減湜濂之氣誼循年完娶砌繞蘭蓀克
昌厥後可於表兄之茂行卜之也今通族重修家乘兄又其
董其事而馥忝屬至戚故敘所聞見爲兄記錄其概若夫褒
譽之浮詞馥固弁鄙人也又何敢贅

附俚言八韻


松君家傍燕山青風景翛然隔世塵東壁怡神琴共酒南窻
寄傲雅兼幽鷗盟池畔機心淨鹿倚齋頭器宇醇菽水寧親
同穎叔麥舟甦鮒擬純仁玉堂自昔誇金馬畫水於今躍錦
鱗美石古柯供異趣琪花瑤草有恒春象賢旨進齊巖案勝

友詩鐫勁節筠我與松君叨至戚攜瓢訊問不辭頻

同蘇昔

大清乾隆五年歲次庚申菊望後三日之吉

眷弟李正馥頓首拜撰



... (Faint bleed-through text from the reverse side of the page) ...

處士徐君廷銓小傳

良五百七十二

御史四派

徐君諱光選字廷銓其先世由姑蔑遷東陽明宣宗時官侍御史以直聲聞于朝者則其派祖而代父戍邊以孝稱者其本支祖也徐氏自侍御公後世以儒術治家而多隱德君父舉丈夫子五人君爲之長自幼穎敏好學就外傳學爲文灑匕洋匕下筆輒驚夫儕輩以視世儒揣摩求合之習輒鄙薄之故至老不遇性慷慨任俠遇事敢爲赴友朋之急雖形格勢禁必委曲以濟之傾囊倒橐有所勿恤生平愛客詩酒之朋時滿座上花晨月夕舉觴浮白歷歷談古今事聽者忘倦鬢眉皓然終席不亂其雅趣類如此至于承祖父訓子孫從容比閭族黨間情至而義盡人咸奉爲祭酒婺州刺史監利

楊公行鄉飲酒禮以君介賓蓋於鄉論允協云君長子岡爲
邑諸生往者余官東庠博士恂匕執弟子禮惟謹因得悉其
家世比余官京師諸生復狀其翁之遺事而乞言于余余不
忍違其請也因爲之論次而係以贊曰

長於文而不爲世用老於學而不爲人知作鄉里之一鑑恒
樹德而務滋嗚呼殆古之所稱善士歟此其所以爲南州高
士之苗裔

賜進士出身

誥授奉政大夫禮部儀制清吏司員外郎前金華府東陽縣儒學
教諭

吳興戴文燈撰

良七百十七公傳

燕山派

公諱光宿字廷賢其先自城北徙燕山父純五百三十六仲
璉公之幼子少穎悟能讀書以早肩家政棄舉業服疇力穡
恭孝養厚賓祭井乎其有條乾隆丁丑冬鄰媪不戒於火延
燒比戶焦頭爛額者切齒於其鄰老媪奪軼公獨慰而止之
曰祝融回祿天事也奚以咎汝爲遂遍慰其族之焦灼者咸
貼服時臘之小除責逋者方急而又羅煨燼烏焚其巢號咷
之聲益四徹公則量其食指已貸而人籌之衆以蘓人謂公
方自憂之不暇而暇爲人憂也蓋嗟嘆稱長者明年春始庇
材而廬之公方窘有窺公以厚藏者陰攘之家人知其潛跡
也扃門而索之左右激公義咸叫囂爲公先驅以告公公曰

隣婦也勿逐翌日遺以米且謂若露處而亟于工事非一嚮之割且無以餉工并遺之肉而卒隱其甲乙左右有知之者亦相誠謂長者弗之言吾曹以長者故故弗言也有舅翁張某既疾革公趨視之張瞿然曰吾數世以來子然惟此子我死則此子亦死矣汝長厚不余負敢以終身託公慨諾張乃瞑爲視含歛籌葬事携其子以歸復爲貯產業及長爲撫室益之資斧而復之張之孤賴以存隣里有客死者浮屍泊蘆岸其戚屬欲因以需索牽連及無辜公毅然叱之衆稍稍歛飭乃出已資若干金命舁歸而埋之生平恬退有膽智凡所折服皆中理元配張氏生二子明祿明視張氏卒繼娶何氏善持家撫張出如其子明視早世祿生騰漢爲邑名諸生以

以文學受知於王韓城相國登戊寅歲貢曾孫望潮以本歲
歲考入邑庠甫報捷諸孫曾皆崢嶸蔚秀公之廕也騰漢西
從叔而師事者手行述囑爲公立傳因敘次其事填諱字敬
以質之

嘉慶二十五年一陽月

從孫大酉謹撰



必務大西

嘉慶二十五年一月八

日

錄錄而論事者乎亦亦德為公之新因錄之其事與之
錄錄而論事者乎亦亦德為公之新因錄之其事與之
錄錄而論事者乎亦亦德為公之新因錄之其事與之
錄錄而論事者乎亦亦德為公之新因錄之其事與之
錄錄而論事者乎亦亦德為公之新因錄之其事與之

良七百四十一公行傳

御史七派

從叔祖諱光戊字叔盛號則曰竹居者其蓋有取夫不可居
無竹之意乎幼承庭訓習詩書無間寒暑爲一時親愛所器
後因家事蹭蹬不獲售其志事親先意承順母病割股鄉黨
重之雖家計日窘而晨昏甘旨無少怠二老垂白優游俱臻
毫髮沒則治喪殯殮祀事一遵父命痛絕飯僧超度事平日
明窻淨几羅列王歐之帖沈米之譜暇則摹臨逼真處卽置
之名士中有不可辨者及五旬後怡情詩酒放傲山水間一
切世俗鄙俚事會不足繫其胸臆時拉二三知己撥幽葩憇
綠蔭吟風嘯月至菴堂觀院見粉壁潔淨卽興酣潑墨疎匕
落匕或書古人格言數則以爲愚頑勸或畫松竹仙人之景

以增禪室光巨幅遺墨至今尚有珍而藏之者他如篆刻碑
 碣圖書蒼老遒勁又其餘事也前同宗光里斐園先生館村
 東雙隆禪院時常往來或拈香分賦或煎茗談心斐園先生
 嘗稱之為碩德長者誠不誣也今重修家秉承從叔明陽之
 囑遂以得之目見者率筆以著其大畧如此第恐蕪蔓之詞
 不足為叔祖重也

昔

大清乾隆六十年乙卯孟夏

姪孫正舒頓首拜撰

良七百五十二徐公傳

御史四派

徐公諱光遠字廷久鶴渚其號也其子從予遊時述乃父之
生平予得知其詳乙卯春徐族重修宗譜乃孫諱希幹請予
爲之傳予不文畧誌其巔末公秉性剛直遇事公忠而于孝
友大節尤出自性生當公弱冠時先公年逾七旬以家政繁
劇俾各分炊昆仲五而公居幼因而先公與母氏王太君歸
終養焉未既先公以壽終公與諸昆仲喪葬盡禮厥後太君
寢疾不起公延醫救治湯藥親嘗以至濁溺時遺親爲洗滌
如是者數月此卽古之黔婁何多讓焉一夜其大兄諱光選
公予之最契友也立於門外竊窺太君之安否見公之孤燈
獨侍竟夜無眠唏噓抑鬱面有戚色退而語人曰余弟之事


親余輩弗若也由此觀之公之孝殆無間言者無何太君卒以疾終風木之情公幾悲號欲絕嗣後飲食祭祀常依匕有孺慕誠至老弗衰此則公之庸行克敦者矣他若延師教子雖家業式微不惜傾囊以資之處家庭而慈嚴並用遇賓朋則情意周至里有義舉靡不先身人有爭端力爲排解憐貧恤乏敬老慈幼種匕善行僕數難終以故內外遐邇莫不高公之德重公之名洎乎行年六十邑侯聞之舉廸功郎公力辭嫡姪諱明統屢勸而強受之迄於今乃孫希幹英年入庠觀其文詞卓越豈僅卜一青衿而已哉公娶韋氏乃峴東邑庠生韋洽公之孫女也有淑德善事姑舅克相夫君舉子一曰明珩希幹其長子女一適虞繼娶周氏克敦閭範有徽音

舉子二曰明珮明璉明珮卽余之契弟惜年甫強仕而逝乃
公之志不獲酬於其子而於其孫也公享壽八旬餘品行益
粹寬宏大量宛有叔度風此所以怡情麴蘖精神矍鑠而戲
綵弄孫無非謝家之玉树荀氏之龍鱗也其殆天之所以報
施善人者歟是爲傳

昔

乾隆歲在乙卯仲春之吉

歲進士眷弟困齋胡以彩拜撰



蘇東士...

...

...

...

...

...

...

...

恭九十八行傳

御史四派

予於族內深交而最久者莫如姪孫公緯也。緯諱明經，行恭九十八字，公緯乃祖諱洪潤，字德卿，別號秀泉，性行端方而孝友爲祠長，公平明直爲族所推重，生二子長懋昌，卽乃父生緯，昆季有四次懋盛，有五子共九孫，此德翁之有以厚於前所以裕諸後也。緯居長次，明綸字公音，三明綱業儒而早世，幼明紀字公廉，讀書入庠而緯與音之爲兄者，與有教澤綱雖不繼而生卒禮祀弗替，緯蓋不以存亡易心也。緯性聰敏多機智識時務，善言語於柔吳中，具有剛方爲人所憚，遇事敢言無所顧忌，有乃祖風爲祠長，偕等修葺祠宇扁額輝煌兼修大宗祠，于有勞焉。予叔父貞五百三偕兄爾公劄

建僉憲公祠緯及子旦姪俱協力贊勦以故二主附入創建所予見其朔望焚香謁廟誠于祭祀事親克順和處兄弟禮接賓朋皆非庸常比也原配上王王氏年十九而卒繼娶蔡盧盧氏生一女徽娘適內姪春生又娶安文陳氏無出卒于其前晚爲身計領壻弟秋生教能書算爲婚娶并將女及壻與外孫俱同一家惜其終歲之勤劬所入僅足以供此六七月人而無餘不謂于乾隆三年春公廉卒夏秋生卒冬十一月廿八日緯亦謝世距生自康熙丁未六年正月初七日享年七十有二塋西麻阪坐西向東嗚呼吾惜其一生三娶卒以乏嗣天乎不可人乎得而知也嗚呼痛哉爰爲之傳

愚叔祖洪吉爾修氏撰

恭一百五十三武公傳

御史四派

初兄大父以河埠腴墾一帶被水冲汙乃就彼家居相利導
勢冀圖復業兄考父因而承之及生兄命其名曰繩宜字曰
武公省名考字知若考之所以屬望兄者重且周矣兄也體
承父志安田居之業行素位之常而于一切世故槩置不計
間有橫逆投之不報矢以忍耐成家不尚矜張名侮誰知不
逞之徒竟有以猖獗焚其家者兄訟于官雖追所值然不過
百之一耳先人室廬已蕩然無存矣兄慨然曰自古其父肯
堂每患其子弗克肯構吾叨先人遺廕而忍使男婚女嫁之
無地乎爰出齒資啗度經營務較前人之制度更爲開拓比
已舊之成規倍爲壯麗日積月累以應輸將右屈左支以供

緩急不逾年而堂與鼎開簷阿華采炫赫一方美哉歌于斯
哭于斯聚國族于斯其是之基矣當是時人或議之以爲用
廣者家必乏豈知兄之乾居旣壯兄之泰運日升力穡之餘
加以麩蘖之利覺歲收其舊者亦歲增其舊陳因之集擬諸
方至之川何多讓焉惜乎天不假年未服官政已先嫂而逝
嗚呼悲哉余因思天下之生人衆矣當其懸弧初卜爲父者
孰不欲加以美名比其長也行與名悖卒成虛望如兄氏以
繩宜命名夫亦有取乎宜爾子孫繩匕之意也今者伯仲四
乳曾元各十桃李翩匕萌芽方茁繩宜之命可云副矣又字
曰武公夫亦有取乎繩其祖武之謀也今者式廓有增阡開
如舊堤岸層匕盤廻棘挿先人之武可謂繩矣是先人之所

以屬望于兄而不敢必之于兄者兄皆有以全之以正無缺
則豈特若考九泉可以瞑目卽揆諸大父喬遷之志有不暢
然一快哉今歲戊子適兄嫂氏訃聞余輩等與兄及兄子咸
有夙契之好不辭俚詞以祭兼以兄外子光寧以嫂氏傳文
命余宗祊載筆余曰外姆之徽音旣得聞命矣外父之詒謀
可湮沒乎爰爲之傳


皆

乾隆三十三年歲在戊子冬月之吉

諱教三十二年歲并文于冬月之吉

西聖交平多源之勤

命余宗師遺筆余曰快哉之勤首題命矣於終之信
官民與之故不稱野而以深兼以只於于與于以勤
於一於於今為太子而只數凡信問余輩筆與只又及于
讀豈於昔嘗武下以勤自怡於前大父喬壽之志言不勤
以勤望于只而不煩心之于只皆只皆首以全之以無
精



岳母金氏行傳 恭一百五十三安人

御史四派

嘗稽五福其一曰壽次日富繼此而康寧好德終命則遞及焉此豈易致者哉邑之徐姓有派居河埠諱繩宜字武公之妻金氏有可取者按公寧外父也金氏係從堂叔祖之次姑卽寧外母也幼習內則嫻禮儀長歸外父淑慎溫恭克持婦道無何年未四旬外父辭世安人素位祭墓其哀痛之情幾不可以言語形容他日又撫衆子言曰此地曾居三代水繞山環茂林脩竹居此必能興旺爾等豈可辭嚴父而遂弛志乎于是矢志培植以勤儉治家耕讀訓子廣置田產肇立乾坤迄今子孫蕃衍家聲丕振此皆安人詒謀燕翼之德也且事翁姑以孝處妯娌以和相夫子以敬又奉佛好善以處里

之人咸稱安人以慈母而兼嚴父之德洵有陶柳之遺風不
幸卒于乾隆戊子年八月十一日午時距生康熙丁卯年三
月初一日申時享年八十有二生子四女二羽化時球琳滿
室闈蕙騰芳合族祠長瞻公等競遡安人之德而爲文祭奠
焉嗟乎人生世宇愁苦鬱結倏然以逝如安人之享遐齡而
全五福不洵難哉壻步趨庭內親承懿訓若聽其淹沒不彰
則訪屬半子罪乃滋甚故寧雖不敏不足以闡揚壺德適逢
家乘重葺選吉告成謹略敘安人之梗概以誌素履云

皆

乾隆三十三年歲次戊子季秋月下浣之吉

峴西婿男金光寧頓首百拜敬撰

岳父徐公

恭一百六十四

府君暨岳母王氏安人傳

御史四派

竊聞上古之人多壽伊耆以前人皆數百歲而後世不能及者何也論者以爲氣運有厚薄之殊抑又不然蓋壽者酬也所以酬乎其德也天之報施善人得以享大年而受無涯之福者德爲之券也然則理在而氣數亦不得持其柄矣挺岳父諱知吉字順先徐公者爲侍御公十一世孫列簪纓之門第守忠厚之家風祖九如公耆英碩德傾動鄉邦公恪守弗失幼明敏少年遊庠拔幟爲儒林翹楚生平性喜酒有招卽至有飲卽醉自一斗以至一石溫匕其恭抑匕其儀並不及于亂自少至老絕不營情于勢利坐臥一小房焚香讀書而外或接朋友或訓子孫而且緘默寡言尤篤親親之誼挺甲

子秋染疾幾殆公每日亟問不倦凡諸家事無不從容誘掖
必至妥而後已迄今憶之常銘肺腑而不能忘焉配王氏爲
明經子照王公之愛女溫柔淑慎佐理家政順事舅姑爲族
黨女宗公與安人皆年逾大耋鶴髮齊眉

欽賜米帛受浩蕩之

皇恩而撫子弄孫含飴娛老孰非天之有意于善人而壽之以酬
其德者爲彰明較著哉此可以知壽不必上古也然以我公
之爲人卽謂無懷氏之人可葛天氏之人亦無不可

昔

乾隆戊子年孟冬月上浣之吉

婿男杜立挺頓首百拜撰

太學生恭百八十二徐挺齋公行傳

燕山派

公諱明柏庠名挺翠字亦翠號挺齋早歲敦氣誼崢嶸倜儻不苟同於流俗諸經理世務鍊達老成都人士咸仰賴焉以家政故不獲理制舉業居常歉然然猶致力經史與遠近文學交遊辨析疑義爲經生所不逮蓋其質性敏捷有過人者每對賓朋謙光可掬一時與公訂蘭譜者往往若飲醇醪不覺自醉至其敦宗睦族尤徵雅量凡冠婚喪祭諸大務通濟緩急無慳容亦無德色里閭間排患解紛藉片言以獲直者指不勝屈嗟乎士生于世碌匕者無論矣其或矜才使氣誇談自立而處心積慮未能粹然卒至功難補過者何可勝道若公之不矜才不使氣抑乎有以自下以惠及人人忘其惠

其厚德不有積于躬者哉方公遊太學時年尚壯精神蘄蘄卓然自命不甘自菲薄厥志雖不遂以視世之役匕者相去果何如耶公家世燕山懼子弟之荒于嬉也延師家塾鄉黨子姪輩咸令就學嘗語人曰學求聞道富貴與貧賤一也不能以文爲富可不以禮自閑乎其所以防維創帥者不遺餘加生平以禮自處以禮處人凡所知交歷初終不做非學道謙讓曷克臻此晚年造益邃型方訓俗和而不流人比之王彥方云其愛子也教以義方思光大其門戶規模宏遠惜未盡其蘊而公已謝世沒之日遠近聞者莫不流連慨慕想見其爲人有敘其一二逸事流涕不自禁者信乎公之德積于躬不求人知而人之好德自不能忘耳元配趙氏余族姑也

繼配虞氏邑庠生兆華公之女弟稱內助職舉丈夫子五俱
已成立公之德積之厚矣何可以弗彰余之言無足以不朽
者而公之德固足以不朽也已

仙枝姪趙廷采百拜撰

昔而公文辭國事以不殊也

山林致獻其采百餘篇

山鬼立公之辭辭之章矣河所以張導余之言無以不殊
錄田勤天邑率出此華公之文辭無內則鄉學大夫之在




恭一百八十八明錫公傳

御史三派

郵政廳之屬真定也其地在冀州爲古東垣秦割天下寘三十六郡漢分部牧民唐縣列三等自刺史以下曰丞曰尉無曠官也康熙間墨林公由邑掾攝廳事署縣丞冢君明錫有質幹家故饒不能捨之去命其弟明鋒隨侍左右凡數年有宅在城東北隅近御史坊負郭田若干畝督畚丁樹藝聽布穀有聲輒辨種備農器以時闢一園露叢烟萼修竹琅玕果實離離釀菊泉爲酒壽可百年甚自得也于時墨林公歸老矣每飯有宿肉一味之甘剖而分之課孫枝以管子職急就章觥其不敬者與諸舅弟垂暮官觀先輩趙截圃已爲之傳娶於盧男四人曰淵曰涵曰漣曰潛孫十四人曾元三十六

人壽八十二營井槲於湖海塘豫外大父廸功郎以例授州
司馬公之弟明鋒也前乾隆戊戌以壽終牽連得書有疊也
然不能自己者矣

門下壻何 豫頓首拜撰 年九十矣



卷一百八十八

論史三

立翁宗丈小傳 恭一百九十七

磚門長派

去邑城之東偏七十里而近高山大壑蜿蜒盤繞於墟落之間草樹蒼秀居人樸質不啻遊古初而親見堯民之畊鑿也而吾宗之 丈適居之丈之子諸生文炳與余論交久醇謹好學無浮薄氣因得悉其燕翼所貽歲己卯冬雪初霽躡屐入山造丈之廬而謁焉鬚眉蒼然言論肫篤畱信宿從容杯學間丈之言曰余先人世居邑治之後而以余卜築于此非敢輕去故里也第以余閱人久見夫市井繁囂之所騫華趨僞有少年子孫大反其祖父謹愿之行而世業蕩然者以此地入山深非車馬商賈之所奔湊人皆力農務本恥於華言僞行予相與安樂之以詩書勗吾子孫而已余聞丈言舉平

昔所得于其嗣者至是益信比余浪遊都下數年歸而丈已
久謝世其嗣佈狀告予而欲予言以誌之家乘夫子學問不
踰中人名譽不越里閭不斐之辭亦何足爲丈增重然相知
有素在子弟之列以視世俗無根諛慕之談則誠不敢以災
及梨棗庶有可以自信者謹按狀 丈諱明紀字立臣系出
東海徐氏世爲雙泉里人祖父俱有隱德丈幼警敏思力學
自効于世而家中落不獲已棄去遷居于東鄉之象村置田
以耕伐木以廬歲時伏臘徜徉雞豚里社間共推爲祭酒蓋
忘乎其爲城市中人治家儉樸而禮節不踰尺寸訓子就傳
獻縞奉贄必誠必莊待人則緩急苟有可濟傾囊倒困毅然
行之勿以爲德也邑中兩遇旱災出粟補荒爲一里倡邑大

夫以丈爲長者俛分任賑事里無餓夫其詳已具杜司諭時
芳所爲傳中茲不備述也配張氏子一人文炳邑庠生孫三
人長大海次大酉

贊曰

山巖業兮水澗清丈之居兮怡我情風敦龐兮里淳樸丈之
教兮善厥俗子則能文孫也授書丈兮怡然而返其厥初嗚
呼璞則抱之行則方之豈俗夫之所知惟古人其如斯

皆

乾隆戊子立秋後一日

宗姪時泉頓首拜撰

薛翺父子立林姓一日

宗聖朝

書

和舞舞舞之吾限寸之豈谷大之飛賦

楚令善楚俗于隕龍文蔡世對書文各計是前及其

山崇崇兮木鬱鬱夫之岳兮計好計是楚鳳兮

贊曰

人受大商大西

夫以夫為其善利也其謙專里無婚夫其善也其謙專

夫以夫為其善利也其謙專里無婚夫其善也其謙專



恭二百三十一公傳

磚門長派

族之從伯祖諱明琦公者字瑋甫系良七十五公之季子自
大祖元三公由治北卜居青山里風俗淳樸敦古處傳七世
而至公公生而岐嶷沉默寡言笑事二人克謹儀節生養葬
祭隨分盡禮歲時祀事凡先公誕節瑤長豐儉罔不當可若
恒言行無所苟里黨子弟苟不自扶樹逆見公輒自引去而
尤以務農課讀爲子孫營久長之策棟宇廓增凡三次營建
皆稍易湫隘不尚華飾家素裕猶躬執桑麻由是鄉人效之
悉除去紈袴習罔有舍業嬉者性謙抑慷慨凡諸周恤貧乏
德色不形除道成梁賸惠不吝斯亦足以見公之生平歟公
老而益康眉壽無害歲之始得邀


恩錫享肉帛之榮時率子孫拜賜于寢性嗜酒每賓朋盍簪必
盡款洽雖多酌亦冲然以和享年八十有七以乾隆之癸巳
年三月十四日卒于正寢卒之日公先自知之悉招子孫環
列左右沐浴正衣冠而坐曰不雕不斲余以之永天年克儉
克勤余以之勑厥業成之難而隳之易願各守遺意以保厥
家惟余中壽有奇虫臂鼻肝之惟命母怛化可矣遂長逝距
生康熙丁卯年四月十八日以乾隆之甲午年月日塋諸石
塔灣金盤之原伯祖母系出周氏爲邑中望族嫻壺範先公
卒十九歲遂祔焉舉叔氏一諱正芳孫四人曾孫十三人酉
生晚不獲親見伯祖之行誼惟是山鄰耆舊口碑宛然猶彷彿
乎公之生平者故不敢稍有飾說以俟蓄道德而能文章

者爲之燭潛云

昔

乾隆五十九年歲次甲寅

從再姪大酉頓首拜撰



鄉祭酒徐柏葉公行傳

恭二百三十二

御史四派

公姓徐名明珠字成玉柏葉其號也世居東陽治北之介福坊侍御諱隆之十一世孫邑丞諱邦珍之元孫也甲午余居憂解職南旋以東陽徐明府聘尸吳寧書院講席公之孫行來侍恂恂執禮績學有文問字之餘因悉其家世甚詳按公屈首受書思以文章充其閭奈翁先生倦勤家政早肩不得已棄去意實侘傺也顧爾時已舉丈夫子三長體乾次正銘幼正鎬繞案森森甫髻公自試以唐宋諸詩不再授輒上口責其成轆轤有聲令人已不羨義山有袞師矣公固善治生者至是而綦隴繩畦坻粟京稼習勤倍他日人怪之曰吾豈慕白圭忍嗜慾樂觀時變哉特以儲諸子橫經糧耳方輿

邑名宿也延于家師之成就已迎刃縷解更命執經于盧雲
章之門恢拓遠鑽礪工頗類除其文名藹鬱甚而公更厚德
滋培之以中裙浣高堂以姜被溫同氣以麥舟賻親串以庚
癸諾鄉閭善無不爲爲無不果未幾而長遊邑庠次遊郡庠
幼穉褐補上舍生一女適吳體中亦邑庠生歌鸞噦而來相
應如匏竹迭賡其原配金氏貞靜無違德又得母道謂公曰
以文章克其閭子其取償于此乎公領之爲勉加一餐云吾
聞連處士以禮讓溫仁法于鄉子庶庠聯舉進士及第柳屯
田好行其德五子皆登顯仕雖古今人同不同未可知而要
之詩書之報不于身于其子孫則一也年屆指使學博吳諱
大煒聞而企之筮爲飲賓當爾時瘖肺啐酒東榮拜至三子

衣法服玉立其傍聽鹿鳴酬無算爵而邑大夫因以碩德者
英顏其堂噫亦榮矣哉有孫八人而行爲正鎬冢子已補弟
子員從余遊則充公閭者正未艾也吾將翹足而待

皆


乾隆甲午年桂月之吉

壬辰科會元榜眼授翰林院編修歸安孫辰東拜撰

王風林會天餘...
算劉甲平...

曹

于員...
英...
夫...



明損公行傳

恭二百六十一

磚門二派

公諱明寓字聯侯號南松恭二百六十一其行也公先君堯
璿生二子明掄次卽公公生淳樸至性遇人甫九歲太孺人
卒哀毀踰制稍長習舉子業一日輒數行下族中耆老羣相
謂曰後生能光大我門戶者其磚門某也越數年而伯氏明
擯公捐養乃爲門戶計咕嗶遂廢自弱冠後勤以自持儉以
自奉經理家政日有豐裕之象而其心不屑也焉事封殖糠
慨好施樂善不倦見人有貧苦者常出已資以贈雖傾囊勿
顧其待人恬靜寡言恂恂然如不及以故人益器重之壽八
十七公含和葆真享有眉壽邀 聖朝恩典被優錫者再
以乾隆之乙未年正月十七日卒于正寢淑配吳孺人克襄

內政有賢助聲享壽八十有九人謂少君復生孟光復觀云
丈夫子三長正鶴次正鵬幼正學善繼善述丕振家聲孫男
十有七人森森玉立何一非公之盛德所致哉祥與公之孫
諱占魁者聯姻舅因得嘗造其廬讀其文曄曄秀發有韓昌
黎蘓眉山風致應早蜚聲鬢序而數奇未獲見售顧余卜其
晚成也昔人云積德者不於其身必於其子孫余於占魁期
之實於南松公決之今者徐氏重修家乘占魁等謀所以傳
公者而以其事屬祥匕以至戚不獲辭故忘其鄙陋而爲之
書其梗概云

大清乾隆歲次甲寅仲冬之吉恭二百六十一其谷出公長壽

眷姪孫邑庠生杜國祥頓首拜撰

坦然徐老先生小傳 恭二百八十六

御史長派

坦然徐公諱明禮字廷樂粵稽御史公十世孫也詩禮相承
忠厚一脉家聲赫乎東婺公尤穎異幼有至性事親孝習舉
子業以上達自期奈弱冠父母卽世幸公配王氏以勤儉持
家內顧無憂干是痛念昊天之恩極益銳志於芸窗每郡邑
試必效卞和之璞再三以獻冀遇識珍也而終不遇且老矣
邑侯劉公慕其人于稠人廣衆中拔以爲訓俗型方之長公
則整躬率物化導有方里之人薰其德而善良者不可數計
公之德修可謂有徵矣公卽樸安畎畝而公立教其孫出則
就傅入則親課將來奮跡芹池步月殿而探杏苑可竚立以
俟蓋阨於其躬而克昌其後亦天之理也公年七十餘矣子

正鰲字占一象賢克肖孫二大任大用英乚秀質孫女暨曾
孫女濟濟一堂其樂可知也歲在戊子重修家史其孫大任
屬予作傳予思夫傳本史官之職何敢妄爲第以誼不容辭
謹倣近世文人小傳之作爲錄其實如右 論曰

前數年予聞人有稱徐公者往往有人從而非笑之余甚惑
焉意其眩世駭俗者歟抑何不諧於衆也及余與其孫晤對
晨夕時相與論祖父母之爲人始知徐公平生率真行素守
其孝恭廉謹之節終始不變不屑取容于世俗使然誠易所
稱履道坦乚之君子也自謂坦然豈虛哉 乾隆歲次戊子年十月吉

眷表姪孫微庵金英偉拜撰

義瞻徐先生小傳

恭三百十八

御史三派

先生余同硯友也憶丙午年余擔簦從信庵張先生遊何時
敦槃者爲杜君翹羽李君翰書斯君祖望皆余畏友而傾倒
則尤在先生余嘗戲謂曰昔鄒忌自知不如城北徐公之美
今與吾子亦然但吾子美不必在貌耳一時詼諧以爲歡迄
今依比若前日事先生少讀書多文爲富於載籍無不畋漁
尤長於小戴記後卽以戴記籍學官與人交眉宇溫溫不立
崖岸人以樸訥目先生及至有大疑難出一言以剖之則皆
帖然服去嘗自謂學者當有體有用期于有濟平日讀千卷
書遇時務輒懵比然百無一諳當世安賴此腐儒耶其自命
如此先生於酒中稱大戶然有酒德素不使酒唯酒間聞不

平事則鬚眉倒張義形於色無異灌仲孺之叱臨汝侯時平生無他嗜好獨有花癖聞有佳種不惜遠道購之余嘗數至其家見有扶疎低亞如珊瑚如鐵幹者梅椿也見有蚴蟻詰屈盤拏撐攬矯如龍怒如蛟徑尺作尋丈勢者盤中松柏也其他紅白相間靨列于庭余訝焉謂吾邑之蓄花者不一其家而先生何以獨繁且殖若此叩其法則郭橐駝傳所云能順其天以致其性者近是噫夫以城市囂塵中而先生顧爲此冷澹生活豈其寓意而不留意耶抑或真以此道可移之官理耶當春秋佳日吟詠其間此中意不必爲外人道也戊子冬先生以書來云有家乘之役丐一言以傳予白首山中固陋不文言不足爲先生重且無生前作傳之例惟是追往

道故約其梗概以誌我二人班荆之始而已矣雖然抑更有
請者余與先生交垂四十餘年少壯幾時奈老何今皆已老
矣語云行百里者半九十里余與先生方將交相勉於餘年
也先生名德全字莪瞻別號岷山配張氏有闡行丈夫子夢
熊稱克家

昔

乾隆三十三年歲次子戊子冬月

同學弟周蓮拜撰

歲三十三年...

皆

蕭麻衣家

出决坐... 與... 四十... 二人...



恭三百五十七公行傳

御史四派

叔諱明琇字汝玉良三百仲元翁四子也迹其生平天性淳篤總角時卽知怡聲悅色惟親是從事諸兄亦復克盡弟道以故鄉黨宗族咸嘖匕稱道勿衰且善居室朝夕辛勤不數年間積貯盈餘視先人餘蔭已爲倍增然於非分之財却一毫無取禮曰臨財毋苟得叔也以之所尤難者已以勤儉成家凡遇昆季子姪輩有確守家訓者卽相與鼓舞嗟嘆之一際敗類輒不禁動色相戒所由善者益勸而匪德亦潛爲歛迹視人猶亡蓋其素然也淑配吳氏克嫻婦道中饋之餘紡織是在更稱內治有人舉丈夫子名正鑑者少從予遊穎悟過人後以家務倥傯出其才調肯堂肯構克家之譽舉族艷

之乃叔氏猶兢兢以敦厚周慎訓視馬伏波之誠不啻焉孫
男二人口授句讀應聲朗比人中騏驥拭目俟之吾叔忠厚
之報曷其有極嗟乎叔之懿行如此宜其壽屆期頤沐
熙朝安車蒲輪之寵乃郡縣方欲以飲賓聘而叔氏忽以易簣
聞矣能無痛哉叔生於康熙戊寅年七月十八日子時卒於
乾隆丁亥年正月廿九日丑時享壽七旬燾氏生于康熙辛
巳年七月十四日巳時其遐算尚未有艾云蓮叨與比舍叔
之禔躬質實處世謙和得之日覩因不辭蕪陋遂援筆而爲
之傳云

皆

乾隆三十三年春月

小姪愛蓮拜撰

恭四百七十七厚庵徐先生行傳

御史七派

司馬溫公曰積金以遺子孫子孫未必能守積書以遺子孫子孫未必能讀不如積陰德于冥亡之中爲子孫長久之計旨哉斯言余嘗卽此以驗人厚庵先生其一也先生居鷓嶺之麓相陰陽而復築鷓嶺之東歲丙子余抵其家先生之孫大元大發大吉大成大喜諸公暨曾孫人和人聖人福人芝人望延入出先生之長君正茂公遺像命題余肅然而起吮筆將書琳瑯林立後嗣蕃昌心甚偉之其鄉人曰子第見後嗣之昌亦知厚庵先生德所流乎先生德能忍學韓魏公德能恕學范石湖德能容學婁相國至若橋梁棧石浮屠老子之宮輸錢不靳元振之散財嘉賓之樂施德皆能學之非第

此也先生初無擔石以錙銖積累昕夕焦勞遂裕衣食其勤之德可風儉之德亦不可及吁夫以種德如此源之遠者流必長根之深者實必茂先生一傳只諱正茂諱正葵三公耳

再傳而得大元大發諸公若而人三傳而得人和人聖諸公若而人四傳而食指將半百矣其間歌鹿鳴歌耒耜者各以藝見廣厦雲連耕畦鱗接為居鷓嶺者之領袖綿其後豐其家厚其福獲報慶餘信乎溫公之言當積德也聞跨鶴時壽逾釣璜此尤有德之徵先生徐姓諱明宰厚菴其號

眷再姪郭紹裘拜撰

...

表兄徐君聖範行傳 恭六百一十二

御史四派

乙卯春正余自富陽回家適東邑表姪徐文學漢儒具其嚴君壽序詩文行實示余以乞傳余憶聖兄者初會於先叔祖家余未冠而兄老成乙酉再會於武林旅邸乙未余自北上還造其堂盤桓者浹旬見其剛毅果敢卓然不惑見大觀雖身居里閭未卒舉子業而言論丰采迥超凡俗愛麪藁宴會終席不亂閒則效手談坐隱之戲於青松蔭翳禽聲上下間家產僅給餽粥見義舉倒囊傾橐所不惜曾佐嚴君畢堂構增祀產隆烝嘗憫季弟乏嗣繼以幼男慮子姪愚蒙延諸名宿教導之所交游皆一時知名士如趙君潤清同宗右川李君墳萼胡君堯佐盧君紹履輩皆其所最契至武林先達趙

君諱杭盧君諱潮生浦陽吳君諱鳳來本城學博許君諱椿
金君諱玉章院長曾君諱選遇週甲之辰皆贈之以詩諸先
生皆慎許可者而乃稱之如此則其梗概可想見矣及將易
簣呼諸男立牀前整衣起坐曰吾餘事無所掛念第爾等事
繼母倍當謹慎幼弟出繼一應產業須尚義均分曾祖母借
厝之地宜善爲處直至王村平屋七間零大母舅建義塾予
曾許捐之聽其改造無違吾意沒吾目瞑矣言畢復寢卽溘
然而逝嗟乎若聖兄者存心則忠厚也立品則端方也舉事
則識大體而立綱常也此其所見者甚卓而其志甚遠也非
所謂獨出乎一時而不可泯沒於後世者前金華郡大夫
楊採鄉評延爲飲賓堅辭不赴書其人如玉扁額褒之後郡

侯 凌諱廣亦復待以虞賓上席其亦酒泉太守銘織之意
乎余外兄弟也反默而息焉不可也越日展豹囊濡兔毫聊
綴不文之辭於麥光之上因便鴻郵寄以附諸華胄譜牒之
尾亦足以資後世之考信云

皆

大清乾隆六十年乙卯太簇月

富陽縣學教諭諸暨愚表弟蔡 英拜撰

入部詳覽六十年之取太款凡

皆

學本以資世之善計云

雖不文之翰然學士因身賦詩書以相請蓋自前朝之

年余快以故也又其面意歡不可也越日思學辭與身應

對 矣其德康時以實實上而其亦所泉大守於辭之身



姑夫徐益齋先生行傳

燕山派

姑夫

諱

明祐

字

友三

號


益齋世居燕山幼有智慧讀書過目

成誦予大父嘗器之遂以女妻之貌頎而長強毅天植語音
匆匆鬚髯戟張年近七旬尚矍鑠不作龍鍾態也溯自予姑
于歸時家僅給餽粥姑夫克勤克儉兼得內助之賢中歲日
長炎匕隆然阜起而阡陌以拓堂構以崇遂以貲甲於里閭
生平才畧過人兼饒胆識其料事也若燭照數計而龜卜也
其定謀也若洪流千頃之不可測其決策也如駿馮下坂之
不可畱行也往匕爲人所不能爲齷齪小夫竊匕爲之慮而
乃履之若坦途而毫無窘步世途嶮巖間欲陷以危機或以
告則曰誰敢哉挺身以出若單騎赴敵者及至而彼已怙然

矣方其以勞勩成家也稱貸之餘每有責進不能無所操泊
榆景恒以寬濟之故凡饑寒困苦者一再至其家或墮淚則
惻然憫之曰汝收若泪予不汝索也遂刻匕起履而行善使
酒藏闔劇譚能作連日飲酪酏後輒於座間斲匕睡時或酣
暢淋漓氣愈壯卒不及於亂然性坦夸不恃富不恃長歲時
伏臘里社間醵錢合食而以蒼顏白髮者頽乎其中後生小
子每好諧謔之而顧恬如也丈夫子騰霄讀書有年入太學
以俟進步孫大治進取不凡將來又詎可量乎嗟乎茫茫人
海抱茲軀殼者衆矣或身席餘蔭偃仰芻豢而兩鬢已雪或
志圖早勦蠅營蝟縮而一事無成甚有若木生光而崦嵫逾
晦者此與夫蜉蝣之寄天地者何異而茲乃崛起閭巷中縱

橫如意名利之途俱有可觀廻視夫少小時真若出兩世則亦人傑矣哉嘉慶丙辰春嬰疾卒距生於雍正七年卒於嘉慶元年享年六十有八歲庚辰族中重葺譜牒外兄騰霄囑余爲之傳不獲辭爰據實筆之

邑廩生內姪沈學潛頓首拜撰



邑東山向...
 余為之制不...
 堂...
 心人...
 第...

恭七百七十八飲賓崑山公暨祖妣周氏安人行述

御史
四派

大父諱明玠字輝玉號崑山文十五御史公十世孫諱光遠
號鶴渚公長子也世居城北隅介福里九世祖諱儂純孝公
代父從戎八世祖諱捐敦孝公千里尋父尸至五世祖郡掾
公諱邦舟字伯忠者嫌城市囂塵自介福里遷居象螺伯忠
公生得念公有隱德鄉里化之念生洪聯公謹飭家範暮年
持誦佛經以養心地聯生光遠公孝行見稱於胡因齋先生
行傳前人積累至大父崑山公而允迪之大父六齡失怙撫
養於高祖母王氏出入顧復愛之如嬰孩髮星匕垂白與其
床褥每日清晨焚香祝遂長高祖母沒哀毀逾常稍長事繼
曾祖母曲承意旨繼曾祖母亦愛之如已出生平簡默持重

不妄言笑兄弟孔懷鄉鄰洽比以耕讀世其家聽布穀聲黃
壤宜禾黑壤宜黍未嘗舍業以嬉暇則課子弟經尋師覓友
負笈擔囊無厭倦心析爨後奉侍高堂每食必具甘旨無疾
亦進參藥曾大父鶴渚公享壽八旬實由大父孝養所致平
日嘗語文輩云非力田無以養親非讀書無以顯親爾等各
專所務吾志慰矣享年九十有五邑乘載入人瑞詩曰樂只
君子遐不眉壽庶幾今之古人哉大母氏周賢淑貞靜事舅
姑曲盡冢婦儀節主中饋持大體組織之繁酒食之議莫不
和理鄰里親戚多所周恤享年七十有八卒之日遠近執紼
不避塗潦而送者望之如荼焉長伯希幹蜚聲庠序家嚴正
熙詩書稼穡克承志業胞叔正齋守璞全真含和積善姑一

適峴北周文輩兄弟八人大奎大雋長伯出文兄弟四人文
居長次大鷹三大鵠四大鷗文忝居邑庠大椿大槐胞叔出
親姊妹六俱適名門大妹御娘字王未嫁夫亡年十七卽奔
喪與殯殮服闋後歸養父母撫育二弟家業賴以振今年例
已符行請

旌典雖姿性邁人亦大母平日有以訓誨之也夫以先大父之
勤慎佐以先大母之含宏宜令文輩食舊德之名氏服先疇
之畝畝矣文逮事大父母者二十餘年今重葺宗譜因謹誌
崖畧如左

孫男錦文謹述

樸齋徐徵君傳

恭七百八十一

御史七派

戊申冬余將赴公車揖別樸齋徐徵君於其家冢君嶽鎮余
之同年友也置酒懽甚時徵君年已及指使諸同志多製五
七言詩爲壽宴集旣數日迺辭去頽歲燕臺輪蹄南北片楮
未遑然每憶春陵風月輒復眷念不能已已徵君先世自姑
蔑來占籍於縣之北衢勝國建文朝諱隆者以制貢擢監察
御史生七子其季百歲公諱棣徵君之九世祖也數傳至亨
字惟寶始自城遷邑東南鷓嶺里居焉又四傳而生徵君名
明輅字商乘樸齋其號曾大父耆英天榆大父洪綵父曰光
璧生徵君甫晬而卒紀理家政唯大父綵公是賴綵公倜儻
負志節舊以先世塋兆爲豪右所思逞藉公力族幸以安徽

君生而溫潤靜訥少涉獵經史通大義操履凝重動遵禮度
以故爲大父所器未弱冠而絲公長逝遂棄不獲讀書奉母
王女蟹支持如不昕夕卒能謹身調度無少年習性樹家楮
門戶日饒以羸布袍革履躬處儉素護帷愛日誠養維勤常
恨不獲逮事厥考聞風聲撼樹泣然悲涕迺究心青鳥家言
旣得吉卜而後卽安從舅弟有舍其廬而外適者歸則燬於
火徵君令就食於家卒爲置其後鷓嶺之宗方以新廟謀之
徵君徵君捐己址買材鳩工蔽之三五而黜堊之宗人以爲
難性坦夸樂趨人急鄉隣徵逐無不願得季布一言以釋學
岐黃術昏莫以疾疢告罔弗應者好延接賓友譚鋒四出善
三雅拇戰嗜匕卜晝夜不置暇日則持竿得魚取樂於澗泉

林谷間其不矜己不近名類如此去歲辛亥邑明府謝澄
齋先生方下車詢察耆碩廣文李公錢公咸以徵君應辭且
再三乃應聘人謂賓介得人云夫天之生材將振之張之以
昌大其枝必有以固其本根譬猶長松生於巖壑之中其榮
腴流於滋生之日皆出於嚴霜虐雪之餘其植根也愈固而
其發愈茂以徵君克自樹立敦孝友義聞溢於里閭可造物
者特晦之於其初俾歷之久以光其業以長其子孫意則然
矣徵君元配太平呂氏有內行克相厥家舉丈夫子三長凌
漢卽字嶽鎮者通今古庠序有聲次正崇次正峻俱讀書克
底成立孫行濟列亦俱頭角嶄然繼此以往天之所報徵君
而徵君益懋乃德以垂裕將來繼承孔厚慰厥覲齒吾知其

未有涯也徵君生於雍正之己酉歲今齒六十有四矣步履
 康強視昔余久不覲徵君因獄鎮來敬舉所證信於徵君者
 還以論徵君焉


昔

乾隆歲在壬子杏月中旬之吉

賜進士出身庚戌科會魁

欽定覆試一等年姪趙睿榮蒞哇氏頓首拜撰

昌大其...
 再三...
 其...
 其...
 其...



待聘徐鎮齋翁傳

恭八百廿二

燕山派

翁諱明社字兆山別號鎮齋姓徐氏徐故邑著姓其上世處
城北雙泉里越數傳自城分徙卜宅燕山之原取康節安樂
窠之意名其地曰燕窠皆所謂雙泉徐也今在城者累世青
紫不絕近有以耆儒膺 天子特達之知擢入詞林寵渥尤
異其在鄉者世紹書香弗替引之翁從姪學博燦文與余交
最久暨猶子稟直嘗從余遊能道翁之德誼甚悉余嘗耳翁
名又備聞二子之稱述固知翁必有表異於人倫者矣故事
鄉飲酒禮惟郡庠實行之比奉 功令以賓介預席必齒德
兼優郡距縣較遠考覈難遍恐碩德耆英尚有遺逸俾各學
各舉所知得並行鄉飲酒之禮本學廣文師廉翁懿行以翁

名上給冠帶榮身僉謂不愧所選云且夫名者德之輿也實
之既至然後令名載而行之翁少事父母勤謹無違父良六
百七十一府君仁厚長者抱璞以居生二子翁居幼與伯兄
先意承志色養盡誠母葛氏於余爲族祖姑有淑德生翁僅
離襁褓未幾失恃無祿葛母卽世事繼母克盡孝道母亦視
如己出家故饒待姻黨戚姪誼甚厚余族叔子備輩於翁有
世表之親始終情好無間言尤善待師長敬禮倍至喜啓迪
後進處鄉里無少長咸開誠接納城府不設經理常橐嚴其
出納未嘗瘠公肥私遇族有雀角事談言解紛無絲毫偏袒
以漁鷓蚌之資人多以是服其正直翁生平行事舉足旌揚
故能望重鄉評賓筵推薦遠近迄無異詞元配黃氏淑慎柔

嘉有德而兼有才閨門肅穆綽有古名媛風格丈夫子一日
正誠襄理家政克稱負荷現舉孫二長大雅次大烹俱嶄然
見頭角有不凡之日詩曰君子有穀貽孫子其翁之謂乎則
後之寢昌寢熾殆未可量也爰續修家乘介叔子備來命余
立傳余曰翁名聞鄉國已有當道揄揚無俟余贅然誼不獲
辭故珥筆而撫其櫬如右

皆

乾隆六十年歲次乙卯陽月之吉

眷姪蘭泉葛金章頓首拜撰

萬全六十

皆

善文臣


有全曰

文

是也

正

國



敬四十景涵君行傳

御史長派

君諱正瀚字景涵乃僉憲公長房遺裔也其考父字子彝者
有賢德每舉動必左審右顧世皆稱之爲方正先生君承父
訓矢業讀書奈親老家寒薪水缺資不得已以筆墨代耕于
官時邑多積逋諸胥吏多所欺隱上官因有總吏之設君任
之一應弊端搜敷無遺通邑服其廉幹旣役滿告歸田里督
率子婦勤耕力種自構數椽於縣西之門外雅與二三知己
玩賞古今書籍視彼當途之屈伸無常盤辟不已者竊非笑
之謂其不知幾也君爲人一生大約多以退藏爲尚故其言
呐々然不出諸口卽有非禮之投君受之毫不色變而機智
內涵一經揮霍有人所不能爲而彼爲之者有人所不敢爲

而彼敢之者故已不侮人已亦不受人侮有時人援於彼而彼總不假人援語云良賈深藏若虛其君之謂與厥配郭氏有淑德事舅姑和妯娌無不中度生二子長曰元臣次曰元吉各克家無忝作述鳳毛麟趾方振也其未有艾也誰謂君之詒謀可易量哉是為傳

皆

乾隆三十三年戊子九月既望

愚叔德全書于

博四

喻史

字小敬一百八十三行傳

御史四派

從叔

諱

正敬

字

士彩

號

松園系出文十五侍御之裔世居城

西北隅爲世大夫第侍御九世孫

諱

洪範

號

心如者郡諸生

有各篤天性嘗割股和藥愈父疾族黨以孝聞嫌市井湫隘

始自世大夫第遷居河頭爲松園公會祖洪範生光茂光茂

生繩宜祖父累潛德以耕讀世其業遞松園公而益展拓之

公沉默寡言笑處里黨粥匕若無能者河頭故隰衍地枕江

而面原粟屑塵厲公物宜而布之若堅多節若堅多心若紉

而檀若膏而柏鬱乎如鄧林森乎如渭川白背而耨之籽息

什百候火而燔之蓄息什百羣宵覬覦欲因以忤公公弗之

顧久且貼服以爲此勤動之所償如公者不可及垂涎者以

息州郡以歲考校步騎相隄而候之自吏以下若埤守若勸
 府少府東西齋咸得視事角弓其抹步幃有渥蓋觀者如堵
 墻公則啟廳事易服肅官正確膾而觴之及輿臺以下皆飫
 而返遂以次及僚友戚屬西憶年少時隨父老往觀嘗登堂
 拜叔叔歡然敘族誼訊盧前王後欵洽如友朋引諸孫相揖
 就席歡暢如前日事公性恬淡寡營不露圭角不立昂異有
 忤意者恒笑而遣之無疾言遽色或從而諛之亦笑而遣之
 穆如也有樵北山而市者絡繹載道公憫其徒涉創義而梁
 之衢甌而飲之口碑至今弗替享年七十有八卒之日遠近
 走奠輟春而紉者望之如茶也叔氏洪克媿隱德享有眉壽
 年七十三生三子盛選永選茂選女二見世系傳茲不詳夫

其縱情閒曠養素邱園而不爲錢愚不爲地癖以忠厚治始厥躬而政成於家室子婦之理孝子之後必有順孫蓋亦族士之型矣卒之爨于野而薪不桂浙于市而米不珠用以垂裕來者亦積善之慶無忝所生者歟公孫六珮玉太學生盛選出人璋人珮人琮永選出璋太學生珮與琮俱早世珮妻許氏能矢志已近年例待請 旌琮妻李氏亦如之瑋玉邑庠生人珍太學生茂選出曾孫十五人學祺舉人瑋玉出學禮太學生珮玉出人璋好讀書嘗與西俱受業與李芝田夫子之門風雨雞窻多所質難策名胄學手不廢書厥有成立庚辰續修譜牒葺祠宇追復先公祀產咸綜理其事又捐資三百金拓廟寢正室族人尤躋之工未竣而譜冊先告成族

人議為叔立傳於譜因敘次其事以梓之無諛言也

嘉慶二十五年一之日

從姪大酉謹撰



太學主殿王出人舉致諸書皆與西國受業... 指丑猶天志日致幸國於前... 聖出人舉人殿人氣派幾出... 谷來香亦赫善之舉無奉... 士之學矣卒之變千裡而燕不... 其敬靜則歸美素和園而不... 其敬靜則歸美素和園而不...

國學徐澧東先生行傳

敬四百十四

御史四派

澧東徐先生者諱正鎬字武建同邑鄉祭酒諱明珠公幼子也兄邑庠生體乾郡庠生正銘紛綸覲縷皆以能治經發聞先生岐嶷表羈貫之年通禮稱純綺之歲思風含臆言泉流吻揚鑣藝苑各張一軍已乃蠲上下庠就內外舍郭林宗齒牙禮士潘子賤科第蜚聲方之卽今彌欽德素其生平畧不置崖岸循匕然交久益篤自持以魯衛之士不以所能病人不以人所不能媿人椎拍輓斷與物宛轉彼繕性於俗學滑欲於俗思曷足游混茫而得澹漠哉雖飲不逾三蕉而酒黍醴稌浩穰蓄畝學士大夫豪杯鎗者至先生欣然肅自階方聯任子之牀旋倒仲宣之屣久之燭殘有跋爵行無算客至

行不能正步或告曰某玉山頽矣則大喜其振起儒術且以爲世非道不人人非儒不道道非教不立牛泔無鯤鵬之化蜂房無雕鶚之雛有志者可以憬然于斯矣家之有也本非跨陌之腴聊課種桑之職人欣共食出尚易衣儀不逮昏姻者資之聘窘不治方藥者丐之生遂乃閭里歸仁耄孩慕義槐風清則霽月當庭籠鶻喧則翩鶚論泮汝南合望扶風長者有過之無不及也旣而雲霾璣鏡霜重芝田未褰繭室之衣忽入蓉城之夢先生從容謂其家人曰死生固有分在吾幸無歌芣苢足矣預刻日期浴罷振襟危坐而卒享年五十七有七配華氏饋克剪豨筒嚴却鮓用相夫子室以不警有丈夫子四長邑庠行次大敦次大順幼大桐

斐然其

文粲若其藻積風矩以斯存倪析薪而克荷女三長適郡庠
華榮春次適太學吳國球幼適木香李中炫孫五人文人官
人騏人駢人憲皆如瑤環瑜珥蘭茁其芽一傳再傳益敦風
雅門屬來乎桃李眷爰結乎葭葦方玷懷鉛容忘握管

昔

乾隆六十年歲次乙卯秋九月吉日

己酉拔貢庚戌

廷試

欽取第八名在籍候選教諭

眷小姪定溪盧標頓首拜撰

晉少微安其風

陸東萊八各奔騰利豈非

取也

古西野百更外

薛郊六十平蘇太乙此無大凡吉日


昔

蘇門葛來平林李谷委平趙李六族野學容法星

人地人地人言言言言言言言言言言言言言言言言

事業各火敵太學吳國殺殺殺木李中意無王人文人

文強各其氣氣風車其混谷野海海而五世文三氣



徐蔚齋傳

敬四百四十二

磚門長派

傳稱三不朽謂立德立功立言有一於此皆足以稱古而道
今矧其兼之寧不卓越儕俗哉噫難矣顧其間局量淺深規
模廣狹有拘於時限于地未可概論者余以所見合之所聞
徐蔚齋其庶幾焉蔚齋諱文炳字端儀峴北公冢子也峴北
公初艱嗣晚舉蔚齋愛之如掌上珠蔚齋不以愛故有違顏
奉杖履溫清視膳少成若天性進飲饌嘗湯藥必手經不以
諛家人稍長命就外傳卽奮志青雲無煩乃翁呵咄聲蔚齋
嘗謂予曰汝亦有樂時乎予曰無之汝有諸調昔肄業館中
忽聞父有恙蹣跚回家夜已半泥濘失履徒跣四十餘里不
自知也比抵門一家已熟睡喚應門者未及啓急問父恙何

如門者曰頃安睡聞之喜不勝魂神一時解懸自念生平未
有大樂若此者卽此一言而平居之養志養體色色可知同
胞終鮮兄弟只一姊適李氏待之怡匕然至老無間言隨嫁
產業屢費而爲之屢贖亦晚俗所僅見少與義兄併家視之
若同胞至分居析產無幾微介意蓋孝友天植素所樹立然
也而立德于以見一班矣至周旋族黨里居不激不隨無諂
色亦無驕態排難解紛推有恤無如茶亭義橋賑貸賑急種
匕義舉不勝縷述至今口碑流傳謂古之彥方不是過也蔚
齋不自以爲功而功之立也已人人銘之肺腑間少習舉子
業刻苦異常經史子集皆手錄寒暑不倦如易書性理等要
書有經手錄數次者口誦心維無論矣作文排俗調落匕自

成一家應童子試大見賞于宗師一雷翠庭命題無莫也評
語謂其熟精易理識爭題間力破題堅畫沙印泥參天一太
乙兩山房稿而得其勝榜發卽冠一軍入邑庠文刻試牘中
讀者皆推爲名手屢進場屋璞而不售數奇不偶命也後以
峴北公辭世蔚齋荒迷失措竄身荆棘中臯號孩啼衣體盡
裂比制滿以孤子當室朝夕訓子嚴而不倦平素著作未經
授梓從無費詞浪墨間有題咏必拔俗驚人余常心折之尋
常錯立族談嘗守口如瓶不聞其囂矜謔語及靜叩底蘊時
露一二語知其沉默內自有去取所謂簡而文溫而理者近
之余偶檢舊篋見其尺牘詩文往來規戒語未嘗不雪涕三
復謂其人若在余造就不止若是蔚齋之立言其聲也卽其

心也寧有意立言者之言等也竊嘗論之蔚齋之立德也隱而不耀立功也爲而不居立言也要而不煩默而深斂故一時鮮名其德表其功而掄揚其言也使其得志于時居建白之地則其德與言與功當必有宣著於朝聲聞於野者寧區區待余表白也吾故曰三不朽之局量淺深規模廣狹有拘於時限于地未可概論者以此要之虎豹雖小已具吞牛氣象蛟龍潛壑自有風雲梗槩原難一二爲俗人知亦難爲耳食者道也配張氏克端婦道不啻德耀之與伯鸞所舉丈夫子五長朝宗人邑庠次大酉人郡庠三熙朝人太學四大成幼大純女二長適余子賢儒亦女德婉嫻勤謹中饋守乃翁家訓惜未克與吾子偕老幼適王二子朝宗大酉其沒年所

屬意慙慙訓誨不知費幾許熱血可憐未訣時尚未成各目
將瞑瞪視大酉曰好讀書吾不能復汝訓矣嗚咽含淚而逝
痛哉二子嗟啣此言喪葬畢卽負笈問字于予予與乃翁始
爲盟友終爲締姻視之不啻猶子比兒意論口授經年前後
入宮墻非予提命力也二子之弗背父訓也亦天所以眷佑
善人也使其長憶父訓克承先志將來大振家聲以慰冥望
于九原予其拭目望之乙卯之秋族修家乘余痛蔚齋之潛
德章匕而未克乞言太史也畧書其一二以付次子大酉俾
勤之譜牒以備他日採風者左券云

贊曰

汝揮手辭塵而別余也已十九年余今秉筆而贊汝也不

禁神黷然而淚潛然吾痛君有德莫揚有功莫白有言莫

傳沉淪高士之芳躅汨沒幽人之畸行非余之咎而誰之

愆試看燕山五子如玉潤如珠圓讀耆讀耕耆耕莫不利

其利而賢其賢行見鵬搏于雲表蛟起於重淵樹風聲而

干表宅里慰窀穸以快九泉吾以卜之於天

善人昔受其身...

乾隆六十年歲次乙卯

二午之...

眷姻弟貢生金德瑋拜撰

...

...

...

次三亡弟合傳

御史四派

時當又二月寒食祭先考妣於墓回則子姪共萃一堂忽姪
兒大琳大珪等洒淚向余曰今重修宗譜一善足錄者皆立
傳以識之伯父可爲兒輩父一紀其畧焉余聞之愀然曰汝
等之父雖克承順大父母歸終盡禮但先我沒而我反爲之
服期著衰是不終其友也膝下不能撫字使汝等各成立是
不終其慈也友與慈兩失何傳之有雖然余亦有不忍不爲
之傳者姑傳之以示爾輩可也二弟諱正英秉性磊落不鈎
距無城府有揮霍才先考數次構造皆其左右之鄉隣有忿
爭者多爲之辨是否明曲直不煩數語允服其心而鼠雀之
訟以息奈天不假年僅四十有二而卒弟婦呂氏哀與勞并

未越旬相繼而亡至三弟諱正誥早向杭越貿易風霜雨雪
積成癆瘵已經歲月復痛二弟棄世悲號慟哭漸入膏肓延
至次年八月亦遂不藥其平日爲人幹事以謹慎爲先循規
蹈矩尺寸不踰先考沒後其爨三年食指將盈三十權出入
謹橐鑰而門內妯娌孩童無諍語亦無異心且理堂中祖先
事公而有斷不肯絲毫依附然涇渭分明中而岸異仍自不
立惜長次二姪癖疾傳染相繼云亡賴弟婦吳氏矢志靡他
撫育二孤漸見頭角痛哉天之報施果何如哉或者將有待
乎是在汝等克自樹立幹蠱用譽尚有厚望焉今并載當時
輓句二絕非云詩也蓋歌以當哭著我弟臨沒尚倦匕于鴈
序鴿原義焉爾

哭二弟

聽爾將危不咽時猶呼昆季共盤卮
霎時拋我悠然逝何處
招魂訂晤期

哭三弟

頻七呼我坐牀邊欲語仍吞意萬千
拋子撒妻含淚去一庭
鶴唳鴈啼煙

乾隆六十年歲次乙卯禁烟節

兄董菴舒識

其劉六十半卷太乙

論則無和


變之和平空本多於

與二策

附與信哥

雖爾錄或不因却餘和

與二策



敬五百一公行傳

御史三派

從兄諱趙字汝瀚號卓齋爲良一百九十七縣丞公之嫡孫
文十五侍御公之裔孫也少讀書聰明濬發駿匕日上父兄
師友無不刮目相看以爲此子必非泖中之物他日飛騰拭目
可待及應童子試屢試輒蹟旣而復棄去習騎射以爭名
於右岸無何數奇不偶鬱匕不得志乃遂泛覽諸子百家雜
技等書欣匕然自以爲有得焉每於酒間談次微露一斑以
見志而和氣藹然不露圭角其天性然也性至孝母王氏系
出名門素嫻內則好詩書喜講禮儀而兄最爲母氏所鍾愛
一旦母氏病篤百端醫治不效倉徨無措因默禱於神自剖
其股而調和以進雖妻子亦不使知也越日病乃瘳噫孝之

道大矣雖做到聖賢地位亦不過完得一個孝字孝豈易言
然匹夫匹婦一念誠切根於天性雖吃齋割股亦可與臥冰
哭竹並駕齊驅不得以無識目之亦不得以邀名辱之兄生
平以禮儀自律凡溫清之節視膳之文與兄弟之友恭皆克
盡其職而無愧居家甚嚴厲雖對妻子未嘗不整飭雖使僮
僕未嘗不斂容而其與人交也則必信必果自處吃虧而退
後一步故疾言遽色未嘗見於生平而汪洋之度澄不清淆
不濁雖叔度曷讓焉芝田李司訓聞其賢延舉鄉飲以表揚
之兄享年八十有二元配鍾氏秉性幽貞年八十外尚強健
無恙舉丈夫子六長大用次大昕大蒙大憲大昊大鳴孫人
瑚人璉人信永順人元人恭人忠人庠永漢永潘永濟永有

諸孫濟七玉樹庭堦皆兄厚德之報也予因畧紀其實以敘之

嘉慶庚辰年一陽月

從弟騰漢拜撰



詩經卷之二十七

卷之二十七

詩經卷之二十七

太學生徐德一先生傳

余嘗讀太史公游俠傳抑揚反覆一篇之中三致意焉此其故何哉蓋游俠雖不軌於正道而救人之急濟人之困以視夫庸鄙小夫不肯捨一文出一語坐視人之陷溺不一引手救又下石焉者其爲人之賢不肖何如也吾友嘗與予共筆硯間嘗論古今人物頗酷慕游俠之風以爲眞英雄眞義士無如朱家郭解之流余謂讀書須當學季次原憲淡泊凝一之中經濟存焉吾友雖首肯而意甚不然余不能奪姑兩存之及偕予應童子試不利又棄文就武習騎射自謂功名可以立就無如時與願違輒落孫山之外因與予同入太學以肄其業而一種英偉奇特之氣終不能遏出其緒餘以排人

之難解人之紛人人爭頌爲魯仲連而吾友不自以爲功斥
人之非招人過人人共指爲國武子而吾友不自以爲惜
嗚呼若吾友者魁梧奇偉音吐洪鐘使得高人傑士相與上
下其議論以漸磨其磊落不羈之性則其成就豈可輕量而
惜其囿於流俗不自振拔屈長材於短馭之中不亦大可悲
也乎吾友雖不得志於時而善體母志百端承順就養無方
偶與人有睚眦之忿而母氏止之輒束手歛退不敢稍忤雖
古之要離曷讓焉兄諱正葵字德一生於乾隆元年丙辰正
月廿六子時卒於乾隆四十七年壬寅十月廿六申時年四
十有七娶鹿峯蔡氏淑順柔嘉善理內政舉丈夫子三長大
勇次大勳三大烈皆能克家孫二長人玉人哲頭角崢嶸將

來又曷可量耶吾與兄交最久時常往來砥礪因不揣固陋
特敘其性情志氣以想見梗概云爾

嘉慶十六年菊月

愚弟王顯名拜撰



愚按王陽明先生

嘉靖十六年

其志以慰良野賦云爾

來公甚可量匪昔與景人却常卦來那勝因不無西

敬七百五十一旭亭徐府君傳

御史七派

鷓鴣嶺山景奇秀或曰李愿之盤谷或曰武陵之桃源其居
以桑麻雞犬別有天焉徐祖籍城北簪纓累世徙鷓鴣嶺十幾
傳矣鄉祭酒諱正葵府君者徐里翹楚也以勤起家且義漿
惠羹以德積家方府君之幼也秉性豪邁志遠大而不囿于
俗孝友之性天成懷橘分梨于家庭從無間言再春不食重
裘勿衣儉約之念至久不渝足爲鄉里楷式地臨山居人尚
操作向劉伶而以尊拳辱者府君則笑而遣之慕師德而以
唾面言者府君常領而卻之人仰府君之量客到門椒酒山
肴絡繹不倦而尤愛詩書道友見必問以劉漢李唐復津匕
叩忠孝之言更闌酒後而不已性醇古故所好亦古事耳府

君厭城市亦不樂名鄉里因府君賢以賓筵薦外翰錢聘以

手帖遂應命焉德既允諧望亦各著家督大成余舊交也

其長君人聖為忘年交次君人望又為制藝交今以家史之

修丐予傳潛德發于幽光奕世猶存矣子一即大成孫四人

聖人望人玉人全曾孫四綿瓜嗥飀餘慶有明徵焉東南其

畝夏屋渠渠固為府君之後來幸然人望之英姿銳學將必

光閭榮宗立可券也余因樂而為之傳

眷姪郭紹裘拜撰

人參... 天... 日...

趙子百五十一賦亭翁...

論史...

敬八百六十四公行傳

御史四派

飲賓徐太親翁靜庵府君暨太親母韋氏孺人傳

歲丙午冬姻台徐儀庭辱臨初人敘作肅改容鄭重而將之以敬話畢乃知其以尊大人太親翁暨太親母行實未登擬

聯傳其行於不朽也

聯

思前輩諸名宿不可見豈無博雅君

子動墨橫錦搖筆散珠足闡揚盛德者即不然同門李學士

春臯韋進士峴樵何孝廉牧堂

聯

之金石交亦儀庭之金石

交乃皆不之及而垂念荒蕪老秀才如

聯

何儀庭之愛而忘

其醜乎儀庭曰否匕予所滿擬足下者以知之早又最深猶

憶蕉窻舊雨丹鉛點勘之餘曾述先大人苦心孤詣鬱鬱不

得志與先母之佐先大人於生前既歿猶能以先人之志勵

吾輩立志者足下耳之悉今又重以朱陳之睦則誼不必辭
又不當辭者也聯沉思良久心許之欲握管而迫它穴未果

越數月儀庭手草長箋數百言耑侔再促促而始得脫稿焉
其傳曰邑城雙泉徐素稱巨族而明柱史派爲尤盛象螺御
史之四派也太親翁世居象螺氏族蟬嫣遠有世序曾祖諱
洪聯廸功郎陰德耳鳴潛居弗求聞達妣氏王祖諱光選府
舉鄉介賓起儒業以詩書世其家妣氏蔡光選公生四子長
明經邑文學次明綸廸功郎次明緯而太學生明統其季也
明統公無子以仲兄之子爲已子卽太親翁翁素稟孱弱明
統公不欲苦之儒曰能續吾支足願也翁乃自知挾策問字
村夫子有所指畫一見無不牢記明統公知之乃喟然曰非

吾所料也於是囑翁與伯兄諱正舒者同就經師伯兄天資
較魯凡誦讀必經數百遍始熟翁則一過成誦且喜默誦而
不聞其聲兄曰以弟資什伯於吾倘更知講解成就殆不可
量翁韙之立起自責便爾研窮書義初綴文便就矩矱洎經
日明理日熟文如翻水成殊覺一往清駛書法敏妙或顏柳
或趙或董一摹擬無不酷肖伯兄且喜且畏曰若竟如此長
進定當先我破壁飛而伯兄乃遽獲一黷雋翁益下帷攻苦
博取諸名家闡發義理之文以大暢其支蓋其志在必就且
不僅區區小成已也無何文益工遇益蹇院試不售回嗣父
已棄人間世時年方十八也服闋二十一歲應府試本生母
氏王遭厲虐疾劇聞耗急奔歸未匝月而遽至於亡踰月親

串來弔唁或欲勸翁棄舉子業知翁志氣素不落人後竟日不敢啟齒翁覺之悲憤交集遙思伯兄之蜚聲橫序也某卽挾一不讓意今雖數奇所不汲也報稱者吾負我夫氣遭挫折縱盛亦易衰運歷艱難則否宜開泰翁乃養鋒以俟再圖文場決一戰而家遭不造不數年生父又卽世嗚呼翁之纍然在縲絰中者三矣嗣母蔡太夫人白髮皤也念翁屢次顛躓誠勿復念功名雖則云然太夫人悲翁之悲幾幾以哭泣傷明翁憮然曰博一衿反致庭幃憂非子也各心遂由是燼翁素多疾蔡太夫人又患日疾遂兼肄岐黃之術太夫人在堂翁色養二十餘年能使太夫人自忘其疾故以壽終暮年殷殷以課子爲務每遇文期佳則喜否則悒也無生趣德配

太親母韋名門祥女也事舅姑生繼兩得其歡治家慈而嚴
飭閭政綸匕組匕儉而中禮尤以太親翁之志爲志太親翁
抱騏驥千里思曾不一展足故每急於望子太親母知太親
翁之望子過急也數以立志勵諸子乃子未成立嘉慶丁卯
正月太親翁卽返其真距生於乾隆壬申享年五十有六越
九年乙亥太親母亦相繼而逝距生於乾隆甲戌享年六十
有二嗚呼天之於太親翁何如天之於太親母又何如哉顧
吾思讀書豈皆償志或且束髮肄簡卒老死牖下名滅沒而
不彰其子若孫蕩廢先人業奄匕不振者指不勝屈而翁則
不於其身亦於其子孫丈夫子三長大坦飲賓次鳳章與
同補博士弟子員旋掇高等食廩餼三錫瑩以府案元遊櫺

聯

女子三綴姻名門孫男六人庾人能人藝人藝能文章工楷
書年二十四妖士林多惜之娶周氏年二十二現孀守七年
熾榮以文章受知羅大宗師現擢高第學博姚延置西席摺
珊聯之賢婿也大宗師吳崧甫狀元科錄取佾生以額滿暫
遺人濟亦克家子孫女八曾孫六曾孫女八婚嫁詳世系不
備書嗚呼此可不謂報太親翁與太親母之志也哉太親翁
諱正謙字吉占靜庵其號太親母邑城太學生韋德譽公女
例貢生


旌表五世同堂諱鎔胞妹朱子云陽氣到處金石亦透志之
謂也立志則天必償其志顧或遲之而償或遲之又久而不
遽償不知者幾謂天人之際難信及觀後來騰達雲衢烝乚

日上乃知由前而觀厄之酷由後而觀酌之當如太親翁者
其志可謂歷千百劫而不渝而太親母又能揭一生苦志以
垂教今姻台儀庭囑聯按尊嚴慈實蹟綴輯而合爲傳登諸
家乘俾後之述德者子子孫孫永奉爲勵志銘然則將謂文
壽人乎抑人壽文乎

峕

道光二十七年太歲丁未卯月

郡增廣生姻姪李藻聯頓首拜撰



太學生敬八百九十四漢亭別傳

燕山派

嘗讀漢史至繆豫公兄弟同財產及各娶諸婦遂求分異豫
公乃閉戶自搥曰奈何不能正其家乎弟及諸婦聞之叩頭
謝罪更爲敦睦之行未嘗不廢書三嘆慨所以處兄弟之難
又以見所以處兄弟之易書稱惟孝友于兄弟言惟孝故能
友也弟善其兄兄善其弟而父母之心藉是以慰詎細故歟
顧往往難言之余於漢亭知其所以處兄弟之難得其所以
處兄弟之易伯仲五行列第二尊人太學生挺齋公風規卓
犖爲族翹楚方童齡時挺齋公延師家塾以經書相督責望
其有成也漢亭天姿矯矯咸許成大器未久而挺齋公謝世
漢亭年甫壯處事精密若老成鍊達者讀禮後欲成父志就

傳肄業閭里知交謂家政非君莫可理且挺齋公經理大端俱未及展其用所當起而圖之無貽牝堂慮於是毅然以家政自任凡挺齋公所欲措置而未就者一一善體而曲成之抑所難者兄弟間耳詩云宜兄宜弟宜之爲言善也非區區耦俱之謂當必有維持調護閑其家而莫之越斯稱善焉方挺齋公逝世伯氏年稍長漢亭綜理家政伯氏第分理諸務其間施受往來悉委諸漢亭時羣季尚幼每賓朋集嘗慨然曰先君子延師命昆季就學志不在溫飽至今失怙森森林立不克承厥志曷以對先君子於地下嗟乎世俗襲前人緒業營其私橐恬不爲怪能念手足而皇然不自安者可概見乎哉越數年入成均士之負氣節者樂與把臂其樹立有由

然也及分爨族黨以漢亭肩家久多所創置議另酌勞乃堅
辭之謂某不材承先人緒粗葺燕壘別無所恨惟先君子殷
勤誨讀之意無以報萬一厥後季弟正偉字皓士以國學其
所成就豈偶然耶漢亭諱正傑字英士配桂坡李氏邑庠生
夢雷公女柔順敦婦道子二大璋大琅孫又多人長孫殿魁
邑庠生女一適黃吾以爲精力尚未邁意量深遠將來當未
有艾因修家乘爰爲之次其梗概云

僊之弟趙廷采撰

有文因物象家法論文及其賦賦云

臣車主六一一最其善以爲辭也尚未觀意量形委殊不

與所公之學應其數善十二大誼大形將之於人其

浪地故竹書於原集亭車五粉字英士河林地本且也

樓翰編次以錄以時萬一州好李章王於字州本足到

轉心書其本於承衣人發聯其燕燕水無浪則卦去長

然也又公愛燕黨以美亭自來人處而餘指新其謂美



敬九百三十八月槎公傳

御史七派

月槎西從叔諱凌漢又諱正崧字岳鎮系出文十五侍御第
七子諱棣壽百四歲故明旌表耆彥建坊里門爲百歲坊其
後裔徙居於鄉曰八達徐氏傳十世至光璧公叔之祖也十
一世明輅公叔之父也代有隱德讀書不求仕進其居環岡
而枕流清石漠匕泉甘土肥有隱逸高致明輅公乃改築於
下陶之畷而棟宇益展拓生三子叔爲震君叔偉軀幹聲中
黃鍾之羽美質強識魚豢文籍不求涉獵每有記憶輒原匕
誦所自爲文章詞條豐蔚不喜寒蠶鳴雖力遜於古而動與
法會以詩文受知於前協辦大學士雲楣彭公補博士弟子
員徐之居八達者文學自叔始性聰穎宗顏瘤子辯論開闢

混元理與雪釋論事剛斷不牽於柔忍而能以禮俗饜飫其鄉人既拾衿常與同年何荇洲趙蒞畦諸公相往還唱和不絕其時明輅公以耄年議堂構家政頗劇又以先公之徙八達者宅主於廳事無以揭虔妥靈也始籌廟址作祠於故居之右綜理出納創率族衆惟叔實先之而猶手制舉業乾隆甲寅來輯家乘始與酉同典藝文夜雨青燈喃匕述祖德議論謙謹酉時心佩之辛酉春酉方舉拔萃科與叔同在郡時以試藝就裁每見輒相賞分手累月而叔以訃聞年四十有幾齋志長逝可哀矣哉方甲寅之輯譜也叔始患托腮時服甘露飲不克痊又好作樗蒲戲論者疑其斲喪然修短有數乃竟以此終困生不嗜酒而雅博其趣親朋款洽必盡歡交

遊咸趨之詩文散逸不及成集凡譜載酬和皆所手定而舊
兩牋札及遊覽詠懷之著百不存一既歿之數月酉始往弔
於其家爲喟然歎息慨斯文之不振而吾族之失望也叔氏
王生三子一女未遂婚嫁瓊枝早零繼氏劉貞靜有淑德于
歸三年撫一女而孀居古井波恬瑤池冰潔已近年例待請
旌餘詳世系傳酉與叔相見晚而相知最深既跋其遺像并約
畧其概以示後人

嘉慶二十五年一之日

從姪大酉謹拜撰

敬一千一十六綵嵐公傳

燕山派

書有香尤有味書味不能強世之不知味者而使之味無味也若人果真知其味則凡天下之物之味當無有美於是顧世之人每嗜酒豈以酒之味更有美於是歟而古人借作下酒物往往以漢書是誠真知書味者矣夫書爲文章所從出我國家以制藝取士誠欲卽其有所得於書之真味以徵諸實事也吾兄綵嵐先生性嗜酒好爲文少時師事趙仙芝葛蘭泉諸夫子咸相與器之望其有成又久與蔡霞舟葛椒園及其家雲津諸先生同學名師良友耳濡目染裨益多多其爲文不屑屑於辭句求工恆以意致勝正有如蔡霞舟先生所云吾厭味他人肉味最喜味兄之時菜味者也後以艱

於進取故人太學應試屢踏槐黃不辭勞苦最後一科八月
初五六日腦後腫毒諸朋皆勸令弗入場弗從也初十日出
腫益不堪又勸令二三場弗入弗從也三場畢歸後猶數十
日弗愈而兄力能強制卽飲酒亦不少懈嗣後又準擬應試
其家人力止之乃已數年間其以不與試鬱乚於中終身如
一日然則其未嘗以書之真味微諸實事抑亦有數存乎其
間耶家固素封最喜客至至則必出近作見示論文樽酒藏
鬪劇談期於盡歡而後止而又非特其少壯時然也老至不
衰豪情勃發不復自禁如其初年猶憶兄年五十時余適館
於其族祠宇其子大治從余遊晨夕過從至相浹洽及弧旦
冠葢盈庭編珠綴玉壽章曷勝朗誦余亦從而濫竽其間至

今諒必有存焉者越至六旬七旬錦集更多於前此益知非
其有得於書中真味不足與於斯也先生卒於道光十九年
十月初三日距生於乾隆二十八年三月二十八日享年七
十有七今芝蘭馥郁堦下盈匕益卜其書香一脉弗替引之
其能知書中真味視昔先人必將有過之無不及矣豈不懿
與

道光丙午年五月天中節後三日

歲進士候選儒學訓導

春漪弟沈學潛拜撰

蘇詩士對數論學

蘇詩丙午年正月天中繪給三日

與

其詩歌書中真未取昔決人心謀亦欲之然不與矣
 十首以合芝蘭好清散不蓋以益小其書者一思取
 十月三日單坐然得劉二十八字三凡二十八日
 其書發外書中真和不以與然其出決中卒然散
 今願欲有有深者故至六情小向說其與參決苗
 出益歌裝



敬一千五十六邑庠生竹林公行傳

御史四派

友人徐竹林諱希幹字承謨邑之象螺人也父明珩府君名垂惇史爲鄉祭酒大父廸功郎光遠公有孝行見困齋胡以彩先生傳府君三子長希幹次正熙次正鰲希幹幼而穎異甫十齡受書于莘湖李紹平先生日誦千言便曉音義先生甚器之乾隆五十一年受知於寶宗師時年二十有二邑教諭莊公見其姿性邁人狀貌清癯命主西席且許以科名尋以父疾不赴竹林性生朴實謙和能於往來酬酢飭廉隅不以雜沓紛紜形急遽故鄉里化之終其世無好訟者則善氣之所薰蒸也中年食指漸煩頗有生事之嗟同年周人芳恐其荒學也勸以委心任命竹林曰學也者學爲人也今有人

焉家無儋石長老仰屋而歎壯者少者環而向之索米尚能以燥吻枯腸讀書談道於蓬廬乎吾知其必不能也學者以治生爲急魯齋之言豈欺我哉茲余望杏瞻蒲匪曰求富聊自救貧以盡乎爲人之分而不負所學耳遂乃勤儉起家與一二弟析箸時各饒麤糲人稱本富云先是大父光遠公年八十而終父明玠公年九十四而終竹林生則怡七色養於其沒也竭誠盡禮自殮至虞無不從厚元配盧育一女不男側室卓舉一女亦未遽徵蘭宗人欲爲祈嗣不許曰吾爲人循分守已天不祝予自會生不則祈何益行年五十三果慶弄璋名大奎越五年再索得坎名大雋長女御娘字玉姓未醮而歌黃鵠現以處女矢志慈帷道光五年邑侯陳履和先生

采入邑乘則詩書之所玉成者觀其女而愈欽其父也延師
課子姪冬夏無虛日從吾遊者猶子錦文遂以青年鼓篋夫
人顯親揚名在于立身積善餘慶時乃天道制行若此雖以
青袍終而燕桂王槐吾爲來哲筮矣道光三年十一月初一
日淹然徹瑟距生乾隆二十九年甲申十月初十日享年六
十蒿里在郭麻園蓋權厝也爰爲之讚曰猗我竹林旣文且
質春揆其萃秋獲其實操乘儒廉學師蛾術家政懋修醇風
旁溢富貴神仙我未之必曰孝曰慈斯傳斯述貽乃經畚貯
之蘭室掌上雙珠永承芬苾德配盧氏孺人讚曰桐嵐淑女
東海母儀德容並懋敬順交持逮事兩世孝思不虧鳴機佐
讀膠木低枝葛藟匕之福履爰綏巽惟已出未醮而婺赴擗

還歸完節慈帷聖善若此闡範長垂

皆

道光十七年孟春月

廩生吳兆燈拜撰



敬一千一百五十六鄉祭酒正熙公行傳

御史四派

徐自姑蔑分支明中葉獬豸一冠暨於今詩書稼穡爲之後
者蕃矣嘉慶丙子隱君徐正熙字景聖館余螺山之麓雪澗
穿雲古松停月游魚自樂庭鳥皆馴宛然愚公谷吉人津縮
來眼底君飲賓明玠公次子以兄鬻儻希幹攝家政自與二
弟正鰲習勤孝養析箸輪膳飲食必侍湯藥必嘗奉二親享
有遐齡邑志載人人瑞子錦文讀書能希心理味文多駢體
次年受知於李宗師亦差慰乃父鑿楹之意矣隱君爲人霜
儉而思豐其義人有緩急多所施與債不能償者焚其券宿
儒英雋過訪殷勤接引蘆渚鰕紅茅柴酒綠味淡而情濃至
利齒機心飾智驚愚輩則平平而已嘗語其子曰夫習不可

不慎也子學日長進尚猶滯於閩師喜門多茂選數學相長
束修羊至問字酒來足助蘭萃之養一如父之事祖也昔趙
至讀書聞父叱牛聲自悲年少使父勞苦然則他日能自致
青雲之上必破涕爲笑矣隱君名列惇史以道光甲午終於
寢距生乾隆辛卯壽六十有一子四錦文居長次大鷹次大
鵠次大鷗孫男六人女二長適張次適華長阮頭頂方坵其
蒿里也文度故舟皇甫謐在雷首之陽并俟請銘於是乎書

皆

道光十九年黃鐘月

虞膳生吳兆燈拜撰

嘉慶丙俊二百五十八可亭公行傳

歐陽磚門長派

有出塵之見者天機必浩盪有獨醒之趣者世俗不縈懷居身元吉與物無競類然也徐翁可亭諱大受爲正理公長子居甘泉之青山世以醇德懿行表厥宅里我翁繼其後生平篤於父母一弟相友善自孩至髦從未有怨怒色析爨時俗必取長子產合翁擇之固辭曰瘠弟以肥吾不忍也土若宅第俘其磽且頓以示友愛識者咸謂薛汝南莫之過性不喜營家人產一切政卑諸其子卽鍾斛區量不問爲何物而耽於酒花晨月夕縱飲爲歡醉輒擊缶歌聲嗚嗚若出金石賓朋或造其廬壘未之定先以拇戰酣嬉淋漓極之燭跋更闌不失德座者或以及時立業勸翁聞之澹如也吁胥次誠曠

遠哉所居林泉韶秀或晴邀米峯之雲或雨聽甘溪之水魚
鬪飛鳥鳩策長林人多戚匕而翁自陶匕古稱逸品之最者
莫陶潛嘗讀五柳先生傳親舊或置酒而招之造飲輒盡期
在必醉以視我翁其瀟洒未有異也元醜華氏端妍令淑惜
不永以年續張氏性婉嫵能曲承翁旨子人啟萃出也幼克
家翁之得養夫性而任厥天者殆有所以受之以故其自適
也春來不管殘花落秋至憑他落葉飛其對客也我醉欲眠
君且去明朝有意抱琴來忘懷得失不知老之將至非有出
塵之見與夫獨醒之趣者焉能若此可亭翁誠達人也是爲

傳

嘉慶丙子科舉以任蕭山縣學訓導

姻姪盧 梁拜撰

登仕郎大紀徐公傳

俊三百八十四公

磚門二派

公諱大紀字華國號雲齋正傑公仲子也天性孝友寡言語
敦信誼持身素勤儉而恤孤憐貧仍慨然無少吝以故爲鄉
黨所器重德配斯孺人同里丹義公女也于歸時奩貲頗厚
公盡出以助家業兄弟之間未嘗形德色或堂上以公之所
有轉與他人公與孺人必曲意順承以養厥志迨二親相繼
終事兄益謹乾隆甲寅會歲大疫兄與姪皆沉疴公爲延醫
療治親供湯藥頃刻不離左右兄因謂公曰疫易染人願弟
自愛勿復近公泣曰父母祇生兄弟三人無祿弟早世今兄
又病篤雖欲以身代兄不可得豈憂染乎後數年又歲歉邑
人皆菜色公量家中度支悉以餘貲分給宗族宗族多賴以

存於遐邇由是益頌公之德南門趙作舟者豪士也素耳公
名欲識公而無由後爲陶朱計遇於邑南之會義橋遂成莫
逆交時邑侯默園劉公與作舟善詢所與友作舟以公對備
述生平行誼焉劉公穆然曰是達尊居其二豈効馬少游所
謂鄉里稱善人者乎因欲見公公不往見劉公愈信作舟所
舉之非謬卽表公爲登仕郎額其廬曰望重五更蓋是時公
年已六十有八矣初公之僑居會義橋也夜聞呼救聲甚急
起而燭之見大航橫於石梁其不覆者僅寸許公卽號土人
且謂能救一人酬若干土人爭以梯援之航內數十人方緣
而上而航已不復見衆駭且謝曰今日若不遇公則吾輩皆
葬魚腹矣旣公客九江舟次七里灘夢故弟大聲呼曰吾兄

無庸懼蹶然驚醒未解其故俄而颶風驟至洪流洶湧舟觸
於石幾沉賴石齒穿於舟隙乃獲免人僉以爲積德之報云
公舉丈夫子三長人美次人山幼人政孫七人其幼子卽
之妻父也棧爲公門下孫壻故得知公節畧爲述數言以誌
不忘

門下孫壻作人吳棧英拜撰



Faint vertical columns of text, likely bleed-through from the reverse side of the page. The characters are difficult to decipher due to fading and ghosting.

鄉祭酒諱大盛暨安人吳氏合傳

俊五百四十九

御史一派

易曰夫婦和而後家道成夫家道成於和又未始不成於勤與儉也蓋不勤則家事廢不儉則家業墜夫婦和矣而且勤且儉未有不大振家聲者徐翁諱大盛字裕心邑之雙泉人也總角時便端樸有儀舉止肅若成人比長肩家政事無巨細悉以身任之自朝至日中晷母少暇而家業遂隆隆起且自奉必以儉約雖年屆耄耋志弗衰也里中游惰奢靡輩見翁之勤與儉潛移默化而勤其勤儉其儉者且振興於不自知由是遠近咸尊重之而口碑在道焉厥配吳安人名門女也端莊淑慎事舅姑和妯娌終日無疾言遽色每旦雞鳴輒一問寢視膳外躬操井臼春蠶冬織軋匕問機杼聲衣裳

垢水灰澣濯紉鍼工補綴有孟光風一切鉛華之物悉屏去
相夫子舉椀無違課諸子以義方弗事姑息此則允稱內助
之賢者與舉丈夫子四長人忠次人興三人義幼人智肯堂
肯構家號素封而且錦砌蘭森清川竹立稱慶一堂翁也顧
而樂之宜其享無疆之福矣今徐氏重修家乘爰不揣固陋
畧叙生平俛子若孫識家政之修必若祖父母之和而且勤
且儉而後家事成家業成而家道以成也是爲傳

道光二十六年歲次丙午孟冬月

眷姻弟蔡煉頓首拜撰

鄉祭酒俊八百八十九松亭公行畧

御史四派

歲丙子余館于鶴巖象螺徐家東翁松亭氏引其兩弟鳳章錫瑩及諸子受學一見如故知欵接間抑乎其遜順乞乎其孟劭淵七乎其靜深嗣是日夕過從劇談無謔語軌步繩趨吾知其得所稟階也翁諱大坦字履祥松亭其號也讀書至十六歲尊甫靜庵府君患沉疴命之學對曰兒聞諸先生昔李令伯聘吳吳王有爲兄爲弟之問諸臣皆願爲弟令伯獨願爲兄謂事親日長也兒旣居長且魯鈍合習理家務事農業以資供養兩弟天分稍優可就傳以續書香兒則自此捐鉛槧爲請府君領之二十六歲府君逝世中間呻吟牀第十年不至大病者松亭調護之力居多哀毀逾禮越七年母韋

氏不泣喪之如喪父于是刻欲教弟成名以慰亡靈弟亦體厥兄友愛之情培養之誼猛自淬勵鳳章之文清矯而有逸氣二十六歲嘉慶二十二年受知于李宗師明年科試旋以優等食餼錫瑩之文喜儷句而矜典瞻頗少修潔工夫二十六歲道光五年受知于杜宗師松亭且喜且悲曰惜吾親不及見此仍令兩弟就學勵志上進計松亭棄舉業後事父十年事母十七年時其寒暖授之襪被扇枕詢其嗜好進以甘旨滫瀡有疾藥必親檢手煎穉子有過不許高聲詈罵此于古孝子之奉養蓋有合焉者嗟匕風澆俗做情義乖離或農其業而不喜弟讀書甚聽婦言割離骨月遂使軟弱慧童朝諷誦而暮挑薪水炊鑪灶忍垂白老親愁悲嗚咽逼無多

榆景者所在有之若此之人尚冀其生則致養歿則致哀乎
以是益歎松亭所爲皆孝子之行也道光十四年甲午四月
廿一日以疾終於寢距生乾隆四十七年壬寅十月十二日
享年五十有三妻雅溪盧氏敬順可風舉丈夫子三長人庚
次人能業農幼人藝天資秀穎筆致輕灑人庚克承父志督
令就學以圖精進女三長適巍山趙次適獅山吳幼適鹿峯
蔡現孫男一學錦就傅卽明句讀知松亭之所以慰先靈啓
後裔者未有艾矣墓在東墓山云

峕

道光十七年丁酉孟春月

廩膳生吳兆燈拜撰

處士俊一千廿二行傳

燕山派

君諱大鼎字華玉號協圃姓徐氏東海郡敬一千一百九十
七國學生孟亭公之子也幼從春鄂程先生遊四書五經口
媿匕不倦繼與余俱受業於趙仙枝夫子之門風雨雞窠多
所質難爲文本先民矩矱不矜時調小試輒列前茅數奇不
偶屢試不售道光辛巳厥考孟亭公卒君哀號踣地以不克
取青紫酬父志爲己罪每寒食春雨酸然啼鶻未已歲旣秋
白楊蕭瑟悲風四來思其親泣下乃窵心河洛五行爲宅兆
旣得吉卜而後卽安而尤善歧黃術人以疾疢告罔弗應者
青黏漆葉自爲能手也豪于酒親朋款洽必盡歡拇戰嗜匕
小晝夜不置暇日則持竿得魚取樂于澗泉林谷間其得天

趙類如此初趙氏母之生君也僅四歲即失恃無祿趙氏即
 世事繼母許氏克盡孝道母亦視如已出一女弟適程係繼
 母出奩貲從厚無吝情至公常義舉恒身任不辭况瘁向有
 祭田儲宿糧計息職管鑰無漏卮人以是服其忠直娶余從
 姊瑟好琴諧迄無間言嘗舉男以不造皆殤僅有女三繼一
 子人案餘詳世系傳生於乾隆壬子正月初五日卒於道光
 甲午五月十九日行年四十有三齋志長逝可哀矣哉今春
 余遊覽至燕山里從姊家具肴饌酒既酣協圃君渺何許為
 念生平交情令我思良朋不愬置余為之傳又如見之
 道光二十六年丙午一之日

眷同學弟邑庠生蔡育泉拜撰

傑一百十四藍田公傳

御史四派

丙子歲有徐生名學杰受學于余見其頭角崢嶸端嚴鎮靜有儒者之風叩其家爲藍田公第五子庚辰徐氏重新宗譜以狀來丐爲其父傳余曰藍田公余童子時已相識心竊儀之愧不文不可以傳願誌巔末以示將來公

諱人球字國瑛

號藍田天性純厚祇父恭兄接人以禮交友以信好讀書作

文方家舉止不屑纖巧因困于童子試乾隆庚戌入國學欲由國學登賢書無如時與願違身多疾病因循不果昆仲三人公居其次長兄嘉瑞無子因謂公曰汝有六子竟使予無後乎公任其所擇合三子繼兄爲嗣以安其心家居河埠當北門往來要津過路有飢者則與之食夜者則與之燭適一

人三于驚下公奔救與之湯藥善爲調治再宿辭去不問其
里居姓氏也五十三歲染疾不起易箐時召子婦而命之曰
吾生平自問無過願汝輩敦睦尚義凡事依着天理而行吾
無遺恨矣就枕而逝德配王氏孺人孝事舅姑謹和妯娌治
家嚴肅辛勤操作老而弗衰長子名學詩勤儉克家倡率衆
弟次名學時三學周出繼四學文五學杰六學中孫五人同
居共爨恭敬友愛和樂一堂家業日盛天之報施善人洵不
爽也余屬世姻高其行節誌其大畧以俟椽筆而爲之傳云

眷姻弟韋九謙拜撰

附一百十四蓮田公傳

附史四九

傑一百五十二公行傳

御史四派

歐陽永叔行傳鄭敖石昂程福贊張薦明諸公所撰有味乎

其言之矣公

諱

人廉

字

商珍太學生御史公之裔也世居城

東北隅簪紱相承不具贅九世孫

諱

洪範郡庠生卽徙居河

頭之始祖也公父

諱

大銓鄉飲賓昆仲三長人慶次人球俱

入太學公居幼狀貌魁梧語言訇訇服先疇而藝黍稷齊家

則豐嗇適中處世則恩怨無猜休匕有容凡事皆能忍匕乃


有濟今世之張公藝也至若敦厚周慎訓族型方無惰慢亦

無疾言遽色以賢爲杖以信爲砥凡事皆比義義則合宜今

世之王彥方也暇日同賓觴酒興酣見伯仲昆弟慨然曰大

宗在城有祠吾輩聚族於斯小宗無祠何以安久之釀緝疆

若十愆愆再三作廟奕匕先公後私越數年家漸起鱗次有
田相陰陽而度原隰築室陔匕肯堂肯構遠近聞者莫不嘆
羨德孚衆望壽臻古稀配康氏佐家政與有成勞亦享有眉
壽子三長逢霖課經史而遊郡庠親師取友丕振家聲次作
霖具班定遠投筆之志棄舉子業習騎射入邑庠幼遇霖精
岐黃術山筋地髓可濟人而不受謝女二長適華溪邑庠生
虞曜幼適東眷韋貞可旌表現孫幾人曾孫緝匕儼如竹立
其邀福未有艾也易曰積善之家必有餘慶其公之謂歟杰
與公誼屬姻婭又與公之長君從趙薇垣夫子門素心晨夕
稱莫逆交知公之梗概卽所見所聞者誌其崖畧以誌後人
云




崑

大清道光二十六年歲次丙午孟冬月

賜進士出身咸安宮教習在直隸隆平縣知縣

眷姻姪韋嵩杰謹撰



欽定四庫全書
大清聖訓二十六卷
內子孫傳



傑二百九慎齋公行傳

磚門長派

博士員慎齋先生者姓徐氏秋官大夫東峴公裔孫也諱人
啟字建士生而開敏甫就塾卽能讀等身書人胥器之謂他
日必大其門無何少長父大受翁輒難以家政遂棄舉子業
以直家性孝友當母氏華卽世時顧尚州哀之淚泫匕不絕
哭迺父日與麴生狎先生能曲承其意旨罌或罄卽謀所以
繼之事後母張安人尤謹以故張氏愛之不啻若己出爲人
惘幅毫無薰刺習與人交口不雌黃一以君子長者之道待
人人亦相率而歸於君子長者或予侮焉笑受之不校而勇
於義河埠邑北孔道也水深濶行者病涉先生迺割膏腴若
干

經其里必延而賓之又嗜奕暇即招二三知己布方罫以遣
 興人每每噓之為棋中仙者配盧氏素嫻母儀善贊佐貽教
 極嚴舉丈夫子三長學賢國學生次學倫戴宗師歲校士拔
 入右庠幼學蟾韻悉錚匕不減薛家之鳳厥後孫枝環列爾
 熾爾昌謂非先生之德致之歟鄉嘗有人言慎齋他日必大
 其門者至是而益信已爰紀之

卷之二十七 卷二十七

其門者至是而益信已爰紀之

人美公傳

磚門一派

公諱人美字秉良號畢齋世居婺東城南至純葵世祖始遷
居暨陽嶺上王祖正傑公耕讀守家潛德勿耀父大紀公持
躬端方與人真誠其視達官貴人與田父牧子無異人咸重
之邑侯劉默園先生聞其名嘗請謁之而卒不可得後欲舉
爲賢良方正公又再三固却乃止於是益信其人之倜然遠
矣大紀公舉三子次人山公早世幼人政公長卽畢齋公公
束髮授書卽來遊青家塾與先君子甚相得後遂爲莫逆交
故公之生平青得聞於過庭時者備詳公器識深沉規模宏
遠早歲筭家政丕振門閭聿新堂構貽謀燕翼莫不崇大而
式邾之久雅好讀書時延名師課子弟寒素之儒亦有求必

應及朋淵戚往還嘗輕財重誼在宗族中見雀角之爭曲爲
排解聞鴻嗷之困厚爲賑恤年終里中咸給以米歲以爲常
卽後中居石門方亦仍如是是以遐邇傾心咸仰盛德焉而
青識之不敢忘者尤在公之孝友也當母在堂公先意承志
朝夕奉侍無不周至一日抵姑蘓貿易及反母已捐館舍公
乃慟哭久之幾隕復甦日夜侍靈几前常涕淚嗚咽而不能
已如是者歲餘嗣緣友善者恐其家政荒廢力爲勸解始不
得已而出喪次觀公於已逝之母若此則其孝養父母者復
何遺憾哉公仲弟人山公弱冠後夫妻相繼逝世公以姪嗣
其祀季弟人政公少公十二載友愛倍加後雖昆季各居公
亦視若一家絕無畛畦之見耳嗟乎孝於親友於弟固庸行

之首重者也。然自世衰道微，上之人不能激揚於名教，而天下誦詩讀書之人，徒廣治見聞，以矜淹雅，緣飾經術以求諛聞於父母兄弟間，未嘗少少自盡，則天顯烏自而悖民彝，烏自而正哉！今公之孝友誠篤，終身力行，不怠反薄俗而振古行，洵非偶然也。公之謝世，越今三載，余先君子謝世，越今十有三載，因溯公之孝友，遂惻然念先君子循陔之誠，僣箋之歡，感慨歎戲而不能置。爾公年七十卒於道光甲辰年五月，日德配孺人族姑斯氏，春秋七十有五。丈夫子二：長學鋒，幼學鏞，女二：長適嵎邑裘國誥，幼適鄰村斯長青。孫曾芝蘭玉樹，方興未艾。今將輯其家乘，公長孫占五從遊已久，因請爲公傳，辭不辭，謗陋爰以疇昔聞之先君子者，備述之以垂

卷之二
六
五
三
言不朽云

嘗

道光丙午年十月日

眷愚姪增廣生雪圃斯爐青拜撰



